


土岐文庫
文庫17
W 82
2



文章 17
W82
2

安陽集鈔

韓琦字稚圭相州安陽人弱冠舉進士名在第二方唱
名太史奏日下五色雲見累官至右僕射侍中歷儀衛
魏三國公出備兩鎮輔三朝立二帝決大策安社稷制
西夏出入將相事具史傳不載卒年六十八大星隕於
治所櫪馬皆驚單贈尚書今謚忠獻詩率臆得之而意
思深長有鍛鍊所不及理趣流露皆賢想識度其題劉
御藥畫冊語云觀畫之術維逼真而已得真之全者絕
也得多者上也非真卽下矣人謂此術不獨觀畫卽可
觀人必熟謂惟詩亦然魏公勳業彪炳直無暇于筆墨
爭長然語窺閫奧無它此道得也

夜合

昭和六十年二月一日
土山善唐氏寄贈

010185188286

俗人之愛花重色不重香吾今得真賞以矯時之常所愛
夜合者清芬踰衆芳葉葉自相對開斂隨陰陽不慚歷草
滋獨擅堯堦祥得此合歡名憂忿誠可忘茸茸紅白姿百
和從風颺沉水燎庭檻薰陸紛纓裳彌月固未歇况茲夏
景長凡目不我貴馥烈徒自將仲尼失滅明史遷疑子屠
以貌不以行舉世同悲傷予欲先馨德羣艷孰可方直
妖牡丹須讓花中王

蜂蠆

事小不可忽義或戒蜂蠆蜂蠆之中人始意脫已害人兮
怒一蟲爲報速睚眦白晝撻危巢夜獨窮纖介必獲而後
已立死已爲快彼誠蓄微毒謂已有所賴失於小不忍而
自取糜壞吁嗟陰巧徒毒邁蜂蠆大包潛中善良斷絕
足駭小或一身危甚則家族逮淵微如鬼神無隙可漏敗
君子被戕賊守道不爲怪有時醜迹露事或無可奈一旦
吾道行乃置之度外使其自愧縮似不容覆載非力不足
較顧有盛德在陰巧旣常幸蜂蠆胡不貸

啄木

剝剝復卜卜意若念良木營營求蠹心未獲空我腹或露
一襠紅或展雙翅綠捷緣都盧植響弄羯鼓曲搜索不知
疲利嘴信摧秃忽爾破茲穴種類無遺族內孽固難辨一
發知潛伏彼實害珍材盡殄此非酷直疑天意淡不使嗜
梁肉專爲衆蠹仇待飫弗與足如今知庶味恣擇蠹與粟
杞梓在陰賊長喙罷攻觸飽食作羣飛時下泉沼浴歸鳴
涼樹陰暮趁高枝宿

來鳳

來鳳趨社期翩若天外至徘徊大厦間汲汲營巢意中心
有所誌自謂得其地銜泥兩吻瘡且暮不少憇主人愛高
堂病爾如流贅爾巢屢膚寸長挺輒摧墜胡爲不識嫌又
續前功棄何處無蓬茆自足爲生計不爾卵而覆其禍愈
非細予旣傷爾愚竊復探爾志孜孜不忍去欲動主人義
萬一憐其勤庶獲息我類巨棟旣不撓出處安且貴其能
無報乎唯守信無貳年年應候來馴狎如兒稚雙雙軒戶
前爲君作嘉致不學君家客去就惟勢利微羽一知歸至
死不他詣

答孫植大博後園宴射

花梢點紅牙綠苗宴亭爽塏棚雲列呼賓習射次序升體
藝人人矜勇控六鈞力副百中藝由基注目老羿拽支左
右何太工象弭急收如列缺須臾一鏑入鵠心畫鼓連
聲盡聲喝後者審固意愈精有時大呼劈箭筈惜哉最是
差釐差彩侯似動筈微撇分明角勝各記暈將終或爲一
奪當筵主籌令難犯大白時舉出正罰此禮自古尤所
重矧園去留宜有別五善大抵主和容不止穿揚與穿札
憶當年黠羌叛非才誤授將軍鉞帳下貔貅十萬師力
過生犀心似鐵大仁未許覆兇巢飭謹封垂禦侵越悍夫
猛士志待驄貯填憤氣何由洩正值高秋天氣寒塞場霜
重巖風刮約束偏裨整隊兵旌旗燦電戈矛雪驅出長郊
閱奇陣離合應麾皆有節次引精銳較絕技控弦命中無
虛發氣豪馬健走危坡直下千尋未嘗廢收軍校獵圍平

原犬順人呼鷹解繼山麋衝軼犯勁矢岡兔奔逃迷狡穴
大鵬盤空不輕搏老狐仰視肝膽裂駐鞍賞獲犒部曲浪
瀉酒車輪染血將軍未酣衆心醉耳後風生鼻頭熱此日
淮藩奉寬詔朱輪慢碾行春轍鈴索聲沉訟牒稀優游大
司養疎拙斜蒿青青鱗鱗新公醪香重醅才撥射堂對客
且相娛不妨樂事陶嘉月襟懷聊與水雲閑夢魂猶寄關
山濶逢辰未立赫然勳破的求功真瑣屑欲得心如外貌
歡報國之誠盡攄豁

廣陵大雪

淮南常歲冬猶燠今年陰沴何嚴酷黑雲漫天一月昏大
雪飛揚平壓屋風力軒號助其勢擺撼琳琅摧凍木通霄
徹晝不暫停堆積樓臺滿溪谷有時造出可憐態柳絮梨

花亂紛撲乘溫變化雨聲來度日階庭恣淋漓幾禁寒嚴
不成絲驟集疎簷還挂瀑蟄蛙得意欲跳擲幽鷺無情成
挫辱習魚江叟冰透裘賣炭野翁泥沒輻閭閻細民誠可
哀三市不喧游手束牛衣破解囊無煙餓犬聲微饑子哭
我聞上天主時澤亦有常數滋農穀膏潤均於一歲中是
謂年豐調玉燭此來盛冬過爾多却慮麥秋欠霑足太守
憂民仰天祝願噓氛霾看晴旭望晴不晴無奈何擁被醉
眠頭更縮

和袁陟節推龍興寺芍藥

廣陵芍藥真奇美名與洛花相上下落花年來品格卑所
在隨人趁高價接頭着處騁新妍輕去本根無顧藉不論
姚花與魏花只供俗目陪妖姸廣陵之花性絕高得地不

移歸造化大豪大力或強遷費盡擁培無艷冶東君固是
花之主千苞萬萼從榮謝似嬌東君汎愛心枉殺春風不
肯嫁遂令天下走香名髣髴丹青競誇詫以此揚花較洛
花自合揚花推定霸其間絕色可粗陳天工着意誠堪訝
仙家冠子鏤紅雲金線粧治無匹亞旋心體弱不勝枝寶
髻欹斜猶墮馬冰雪肌膚一纈斑新試守宮明似赭雙頭
兩兩最多情象物更呈鞍面窠樓子亭亭欠姿媚特有怪
狀堪圖寫見者方知畫不真未見直疑傳者詐前賢大欲
巧賦詠片言未出心先怕天上人間少其比不似餘芳資
假借我來淮海涉三春三訪龍興舊僧舍問得龍興好事
僧每歲看承不敢暇後園栽植雖甚蕃及見花成由取捨
出羣標致必驚人方徙矮壇臨大厦客來只見軒檻前國
艷天姿相照射因知靈種本自然須憑精識能陶冶君子
果有育材心請視維揚種花者

苦熱

皇祐辛卯夏六月朔伏暑始伏之七日大熱極炎苦赫日
燒扶桑焰焰指亭午陽鳥自焦鑠垂翅不西舉炙翻四海
波天地入烹煮蛟龍竄潭穴汗喘不敢雨雷神抱桴逃不
顧車裂鼓豈無堂室深氣鬱如炊釜豈無臺榭高風毒如
遭蠱直疑萬類繁盡欲變脩脯嘗聞崑閩間別有神仙宇
雷散滌煩襟玉漿清濁腑吾欲飛而往於義不獨處安得
世上人同日生毛羽

答章望之秘校惠詩求古瓦硯

魏宮之廢知幾春其間萬事成埃塵唯有昭陽殿瓦不可

壤埋沒曠野迷荒榛陶甄之法世莫得但貴美璞踰方珉
數百年來取爲硯墨光爛發波成輪求之日盛得日少片
材無異圭璧珍巧工近歲知衆寶雜以假僞窺錢緡頭方
面凸槩難別千百未有三二真我來本邦責鄴令朝搜暮
索勞精神遺基壞地徧剝窟始獲一瓦全元淳薛斑着骨
尚乾翠夜雨點漬痕如新當時此復近簷溜印以篆字花
其唇磨礮累日喜成就要完舊質知無倫吾才寡陋不足
稱思與好古能文人好古能文今者誰武寧秘書章表民
無詩尚欲兩手拊何況大雅之奏聞鏗純

答陳舜俞推官惠詩求全瓦古硯

鄴宮廢瓦埋荒草取之爲硯成堅好求者如麻幾百年宜
乎今日難搜討吾邦匠巧世其業能辨壞奇幼而老隨材
就器固不遺大則梁棟細焚燎必須完者始稱珍何殊巨
海尋三島荆人之璧尚有瑕夏后之璜豈無考况乎此物
出坏陶千耕萬斲常翻攪吾今所得不專全秘若英瑤藉
文纁君詩苦擇未如意持贈只虞笑絕倒君不見鎮圭尺
二瑁四寸大小雖異皆君寶

觀胡九齡員外畫牛

丹青之筆奪造化能者幾何登品錄蛟龍獰惡鬼神怒更
工不接時人目有形之物至者稀是否難欺衆所矚絳臺
胡掾文章外偏向畫牛其好酷海內馳名三十年得者珍
藏過金玉老來纔始着青衫養親不及朝家祿前日野服
忽相過云訪恩知走京轂微風入指未能畫示我蠟本數
十幅採摭諸家百餘狀毫端古意多含蓄鬪者取力全在

角卧者稱身全在腹立者髣髴精神慢背者分數頭項促
行者動作皆得羣乳者顧視真憐犢當流泐戲益自在欲
走或疑猶蓄縮從容飲嚙得天真荷鞭時有童兒牧或橫
一笛坐牛背便是無聲太平曲江天雨雪易溟濛風勢掀
號摧古木欹斜篔簹趁牛歸蕭疎暮景煙村宿奇哉胡掾
老筆不可到戴叟重生須死伏吾觀諸牛之態雖盡妙尚
有所遺思未熟牛於生民功最大不畫牛功牛亦辱胡君
胡君聽我言別選輕綃成巨軸寫出區區耒耜勤貴知天
下由吾方食足

次韻和子淵學士春雨

天幕沉沉淑氣溫雨絲輕軟墜雲根洗開春色無多潤染
盡花光不見痕寂寞畫樓和夢鎖依微芳樹過人昏堂虛
座密珠簾下試問淳于醉幾樽

和春卿學士柳枝詞五闕

樓前輕雪未全銷偷得春光入嫩條似向東風猶綽約可
能渾忘舞時腰

陌閑宮古綠烟迷惹盡春愁困拂堤却爲多情足離恨故
諼溝水亦東西

章街風曉起新眠寒食輕陰未雨天無限青絲拂遊騎一
生芳意負金鞭

淡烟輕日簇誰家微出青旗一帶斜對景似嫌春意老更
搖疎影掃殘花

畫橋南北水連天纔聽鶯聲又晚蟬長使離魂容易斷春
風秋月自依然

和春卿學士上元罷燈

絲竹沉聲月泛波，警宵方喜罷誰何。樓深酒密客留易，路遠香殘人去多。寒燭倚蓮猶結淚，淡雲歸隴不停歌。那知夢穩瀛州上，正是鈞天九奏和。
是夕館宿聞宮中奏樂

再賦柳枝詞二闕

曲江風暖曉陰斜，翠色相宜拂鈿車。自是春眠慵未起，日高人困又飛花。

葉葉新長約黛蛾，絲絲輕軟任風梭。啼鶯便學歌喉囀，知是春來舞意多。

上巳

遠道今逢被袂辰，雨餘風物一番新。等閑臨水還思舊，取次看花便當春。絮雪暖迷西苑路，車雷晴起曲江塵。臺英正約尋芳會，誰是山陰作序人。

寓目

擁傳修途倦逢春，旅思長遠煙含樹色。細雨起塵香隴麥，成行綠林鶯並對黃楊鞭。聊自慰舉目見韶光。

使回戲成

專對慙非出使才，拭圭申好斂旌回。禮煩偏苦元正拜，
元日拜禮最煩戶大猶輕永壽杯。
永壽其日以大白酌南使欹枕頓無歸夢擾，據鞍潛覺旅懷開。明朝便是侵星去，不怕東風拂面來。

柳絮二闕

慣惱東風不定家，高樓長陌奈無涯。一春情緒空撩亂，不是天生穩重花。

絮雪紛紛不自持，亂愁縈困滿春暉。
有時穿入花枝過，無限蜂兒作隊飛。

中秋月

丹滿中秋夜，人人惜最明。
悲歡徒自感，圓缺本無情。
天外不相憶，世間多不平。
嫦娥難借問，寂寞趁西傾。

謝丹陽李公素學士惠鶴

高籠攜得意，何勤玉樹慙。
無可待君，只愛羽毛欺白雪。
不知魂夢託青雲，孤標直好和松畫。
清唳偏宜帶月聞，自有三山歸去路，莫辭時暫處鷄羣。

重九會光化二園

誰言秋色不如春，及到重陽景自新。
隨分笙歌行樂處，菊花黃子更宜人。

春晴

霽色破春昏，高樓日未曛。
林梢零舊雨，山頂入殘雲。
醉粉勻花頰，風羅皺水紋。
踏青人誤約，芳思幾紛紛。

春霖

咫尺東郊路，春霖絕未通。
銷閑生奕思，醒睡費茶功。
樓迥昏昏霧，窗寒淅淅風。
待晴桑陌上，五馬恣聰隴。

登西大悲閣

藹藹西藍閣，煩襟一望開。
山川歸盛德，姦傑委沉埃。
城迴雲連珠，烽閑草蔽臺。
誰知太守意，不爲納涼來。

新館

宴宇新成，苦未嘉。忽膺朝委，易軍牙張侯，暫喜留歡客開。
檻憑誰種，好花北沼，不難平釣岸。
釣岸未成西峰猶欠入窗紗。

城樓未立後賢政敏多餘暇高會何妨月影斜

北塘避暑

盡室林塘滌暑煩曠然如不在塵寰誰人敢議清風價無
樂能過白日閑水鳥得魚長自足嶺雲含雨只空還酒闌
何物醒魂夢萬柄蓮香一枕山

髮白有感

區區邊朔有何成三失流年只自驚無一事來頭尚白白
人頭處豈堪行

感事

一來邊障地走馬過三秋萬緒事常擾九分春又休鶯花
誰在目霜雪只侵頭縱得風光住風光可奈憂

北塘春雨

葉葉輕雲帳薄羅坐看膏澤灑庭柯風前芳杏紅香減煙
外垂楊綠意多聲落簷牙飛短瀑點勻池面起圓波晴來
西北凭欄望拂黛遙峰濯萬螺

寄題廣信軍四望亭

西北雲高佛女墻危亭虛豁望中長田間堤陌成新險天
外江川是舊疆古道入秋漫黍稷遠坡乘晚下牛羊凭欄
多少無言恨不在歸鴻送夕陽

閩古堂前植菊二本九月十八日花猶未開因以小

詩嘲之

只趁重陽選菊栽當欄殊不及時開風霜日緊猶何待甚
得迎春見議來

後園閑步

池園足高趣公餘事少關幽禽聲自樂流水意長閑近竹
花終俗過欄草費關心休誰似我官府有青山

觀稼回北園席上

平原飛隼拂晴霓秋入豐年自慘悽嘗酒管絃先社集
社前一日親賓
相會請之嘗酒 麥極雲齊雪鋪蕎麥花漫野黛抹
雙菁菜滿畦區脫狴牢無一事山翁贏得醉如泥

壬辰重九卽席

中山風物有前緣經賞重陽第五年莫為素毛悲晚歲且
飲黃菊酌芳筵退求僻郡疑邀寵甘老窮邊似好權笑問
此身何計是不如嘉節倒垂蓮

離天威驛

早發天威驛深春尚薄寒龍蛇盤道路波浪卷峰巒古木
萌常晚新流勢未湍忠臣方叱馭更險不辭難

過故關

春入并州路羣芳夾故關前騶驅弩過別境荷戈還古戍
餘荒堞新耕入亂山時平民自適白首樂農閑

出山口

待曉出山口溟濛雨乍晴始知經盡險終得坦然平草樹
開春意川原豁眼明吏民當自信竹馬不須迎

次韻和都運崔諫議寄示立春前一日宿嵐谷山程

絕色風霜正樹威不知韶律起從微十千酒且迎春酌五
九寒須伴臘歸破屐好山連日上費詩嬌雪着人飛屬封
所過皆蒙惠民吏應如挾纊衣

六月六日雨後過嶽廟遊從封寺觀稼席上

雨頻經信宿休近郊方出釋潛憂雖妨麥始三停穫且
見苗知一半收農語有神嶽怖民藏電雹老松憑寺偃蛟虬
佳游况遇從豐識好飭千倉待有秋

北園秋雨

輕雨來秋晚郊園對客樽暫和春氣味將冷雪胚渾聲入
關榆苦陰纏塞嶺昏黃花應自笑搖落獨承恩

後園春日

并塞園林古春來似不知雨輕成凍易樹老發花遲劇事
隨年倦歡悰入病衰芳時期強賞宴鼓揭天槌

過吳兒谷

曉入吳兒谷危途信不虛千峰疑絕路一逕俯容車山鳥
過雲語田夫半嶺鋤時平盡周道天險欲何如

觀稼

一夕甘滋起瘁田隄回災沴作豐年便晴惟恐禾生耳將
熟偏宜穀捺耆雲退不留驅旱迹氣清渾露已秋天衰翁
豈獨同民樂更覺詩豪似有權

再出行田

豐歲觀農穫先疇路不遐子多宜晚穀生拗就新麻蕎麥
方成齟蔓菁未入楹鄉民愚自詫太守是吾家

暮春康樂園

榆莢紛紛擲亂錢柳花相撲滾新綿一年寂寞頻來地三
月芳菲已過天樹密只喧閑鳥雀臺高猶得好山川病夫
不飲時如此徒有詩情益自然

庚申相臺閏稼

淫雨農疇害復收彼何恩厚此何仇高田穀穗拖牛尾卑地莊窠沒獸頭稔社徹宵喧鼓樂災居無日苦飢流如云禍福關爲政安得豐凶在一州

春陰馬上

正是風和日暖天重陰凌擾苦纏綿蕉心自結憑誰展柳眼慵開只待眠草濕謾鋪留醉席榆寒難擲買春錢幾時霞外氛霾散放出紅輪一丈圓

登廣教院閣

岑寂禪扉啓畫關公餘爲會一開顏高臺面壘包平野老栢參天礙遠山花去春叢蝴蝶亂雨勻朝圃桔槔閑徘徊軒檻何時下直待前枝倦鵲還

會故集賢崔侍郎園池再賦

門徑縈紆洞府間了無塵外累幽閑長楊十丈亂風雨流水數枝鳴珮環入戶好峰誰可畫礙人新竹不容刪池亭面面圓荷滿薄暮飛香送客還

涼榭池上二闕

游鱗驚觸綠荷香水馬成群股脚長逐浪相追留篆跡偃波垂露滿方塘

病襟思適繞東塘水荇初花吐嫩黃行困老樗陰下坐兒童爭喜捨紅娘

題玉泉院

兩行修栢夾雲根引入蓮峰直下村病骨醒魂安氣母幽亭收景厭山孫金堆望遠千難出玉溜聲喧萬馬奔坐歎塵勞無計住却尋歸路日黃昏

觀魚軒

雨後方池碧漲秋觀魚亭檻俯臨流時看隱荇駢頭戲忽
見開萍作隊游喜擲舟前翻亂錦靜潛波下起圓漚吾心
大欲同斯樂宥插筠竿餌釣鈎

九日水閣

池館隳摧古榭荒此延嘉客會重陽雖慙老圃秋容淡且
看寒花晚節香酒味已醇新過熟蟹黃先實不須霜年來
飲興衰難強漫有高吟力尚狂

九月四日會安正堂

秋光濃拂使君家尚去重陽五日賒且誦好詩成素飲更
先諸客對黃花池萍漬雨錢錢密空鴈書空字字斜但縱
高吟開醉膽莫驚搖落動悲嗟

辛亥重九會安正堂

斯堂曾許占風光去年詩有留與耕都為故須到重陽復
命觴坐上非前歲客杯中無改舊花香初晴已過登高
日散慮宜趨自得場唯有一時詩酒戰願開強戶振雄鏗
壬子十一月二十九日時雪方洽

近臘猶慳六出繁忽驚盈尺及民寬萬方蒙澤人人賀通
夕無風陣陣乾危石蓋淩鹽虎陷老枝擎重玉龍寒欲知
靈鷲銀爲界試陟高樓一望看

再題狎鷗亭

危亭初起俯清薄只得當軒幾醉吟一日鄉園傷驟別四
年宮闕動歸心簷前好竹今成篠波下修鱗舊種針鷗識
再來猶不懼向人馴狎似家禽

郡圃春晚

落落春水滿方塘
欄檻風微落藥香
盡日楊花飛又歇
有時林鳥見還藏
沉痾不為閑來減
流景知從靜處長
欲戰萬愁無酒力
可堪三月去堂堂

畫錦堂再賞牡丹

錦堂重賞牡丹紅
不惜殘英數日空
嘉艷豈無來歲好
清歡難得故人同
誰言山下曾為雨
無一春只恐身輕去逐風
共且對花開口笑
莫持姚左較雌雄

暮春書事

榆莢空飛不算錢
韶光歸速置何緣
惜春情味過年少
戰酒英雄退日前
竹筍迸階抽兕角
楊花鋪水漲龍涎
妖妍萬變成凋謝
長養須資大夏權

北第同賞芍藥

冬 永源培記

芍藥名高致亦難
此觀妖艷滿彫欄
酒酣誰欲張珠網
醉施金細偏宜間寶冠
金線冠露衰更淡雲
髻重髻蝶棲長苦玉樓寒
樓鄭詩已取相酬贈
不見諸經載牡丹

乙卯畫錦堂同賞牡丹

從來三月賞芳妍
開晚今逢首夏天
料得東君私此老
且留西子久當筵
柳絲偷學傷春緒
榆莢爭飛買笑錢
我是至和親植者
雨中相見似潸然

至味蘇蘇昔雨中休具以替然

留西子八當蘇蘇絲俞學壽春蘇蘇英年乘買

蘇來三月賞其秋開強今筆首夏天休軒東皆味此法且

王對寒軒漢詩与双休晒韻不見前蘇蘇此也

蘇金際宜間寶以探于靈真更突雲響重于舞舞舞具苦

芒藥各高姪衣鑣此曠及禮辭退斷酒酒精於新和醉西

此策同賞芒藥

浪集鈔

蘇舜欽字子美

人以父任補太廟齋郎調榮

陽尉尋第進士改光祿寺主簿知長垣縣遷大理評事

監在京店宅務以范仲淹薦召試集賢校理監進奏院

舜欽以嘲侵權貴而婦父杜衍與仲淹富弼在政府為

時忌者進奏院祠神晏會不與者銜劾舜欽用鬻故紙

公錢不樂醉歌狂悖因欲搖動衍等舜欽坐除名後

為湖州長史卒年四十一既廢居蘇州買水石作滄浪

亭益讀書時發憤懣于歌詩善草書酣酒落筆往往驚

人與梅堯臣齊名時稱蘇梅劉後村謂其歌行雄放於

聖俞軒昂不羈如其為人及蟠屈為吳體則極平夷安

帖蓋宋初始為大雅於古朴中具灑落淳畜之妙二家

所同擅而梅之淡遠閒淡蘇之超邁橫絕則又各出機杼永叔所謂不能優劣者也至情志忠惻而議論當理要又非詩人粗豪一流所比詩有云筆下驅古風直趨聖所存又曰會將趨古淡先可去浮囂其本領卓越如此

感興三首

後寢藏衣冠前廟宅神主吾聞諸禮經此制出中古秦嬴食先法乃復祭於墓漢衣以月遊於道蓋無取宣帝尊祖廟失制徧九土孝元酌前文一旦悉除去魏帝樂銅臺遺令置歌舞昏嗣竟從之此事狂夫阻唐制益紛華諸陵銷嬪御曠女日哀吟於先亦奚補吾朝三聖人乘雲不可睹威靈已霄漢嗣皇念宗祖繪事移天光刻象宮神武徧勅

舊遊地輪材起宮宇階城卸以金墻壁衣之黼功既卽奉迎泐仗疊簫鼓玩好擇珍奇日奪不可數三京佛老家已有十數處朝家雖奉先越禮古不許君不祭臣僕父不祭支庶丹楹豈非孝聖貶甚蕭斧大祀當以時寢廟卽其所惜哉共儉德乃爲侈所盥痛乎神聖姿遂與 爲侶蒼生何其愚瞻歎走旁午賤子私自嗟傷時淚如雨

昔在帝舜日光宅闕四門所貴無凶邪德教日益敦末世多濫姦九重嚴大闕扞振主譏察誰何辯語言一關百力士列立甃石溫設官按尺籍唱號於未昏唐末稍懈怠嘗值外使奔京城凶豪兒奮劍闖帝藩狂呼嘯虎豹便欲傾乾坤賴有宰相在不然神器翻我朝講制度門籍反不存近知賤丈夫突入犯赤軒陞官未暇執嗷嗷何其誼祖宗

創業難慎重在後昆勇夫猶重閉况乃天子尊何羅猶宜
察况乃外寇屯典語一及此舌出反自捫吾家本寒微世
受朝廷恩欲奏鴟鴞詩當塗誰薦論

誓說聖所擇愚謀帝不罪况乎言有文白黑時利害前日
林書生自謂曾臆大潛心撫世病策成謂可賣投顛觸諫
函獻言何耿介云昨見凶星上帝下警戒意若日昏掇出
處恣蜂臺安坐弄神器開門納珍賄宗支若繫囚親親禮
日殺大臣尸其柄咋舌希龍拜速速伐虎叢無使自沉瘵
陛下幸察之聰明卽不壞如忽賤臣言不瞬防禍敗一封
朝飛入羣目已眦睚力夫暮塞門執縛不容喟十手摔其
胡如負殺人債幽諸死牢中繫灼若龜蔡亦旣下風指黥
而播諸海長塗萬餘里一錢不得帶必令朝夕聞渴飢死
於械從前有口者踰脰氣如鞴獨夫已去除易若吹糠稗
奈何上帝明非德不可蓋倏忽未十旬炎官下其怪乙夜
紫禁中一燎不存芥天王下牀走蒼猝畏挂礙連延舊寢
廷頓失若空寨明朝黃紙出大赦徧中外嗟乎林書生生
命不可再翻令凶惡囚纍纍受恩貸

慶州敗

無戰王者師有備軍之志天下承平數十年此語雖存人
所棄今歲西戎背世盟直隨秋風寇邊城屠殺熟戶燒障
堡十萬馳騁山嶽傾國家防塞今有誰官爲承制乳臭兒
酣觴大嚼乃事業何嘗識會兵之機符移火急蒐卒乘意
謂就戮如縛尸未成一軍已出戰驅逐急使緣嶮巖馬肥
甲重士飽喘雖有弓劍何所施連顛自欲墮溪谷騎指

笑聲嘻嘻一麾發伏雁行出山下奄截戎重圍我軍免胄
乞死所承制面縛交涕洟逡巡下令藝者全爭獻小伎歌
且吹其餘剗馘放之去東走矢液皆淋漓首無耳準若怪
獸不自愧恥猶生歸守者沮氣陷者苦盡由主將之所爲
地機不見欲僥勝羞辱中國堪傷悲

及第後與同年宴李丞相宅

十年苦學文出語背時向
茶力不自知藝闈輒掉鞅薄伎
遭休明一第君所唱拔身泥滓底飄迹雲霞上氣和朝言
甘夢好夕魂王軒眉失舊斂舉意有新况爽如秋後鷹榮
若凱旋將台府張宴集吾輩縱謔浪花梢血點乾酒面玉
紋漲狂歌互喧傳醉舞迭闐位茲時實無營此樂亦以州
公去登顯涂幸無隳素尚

昇陽殿故址

昔在開元中此名昇陽殿西通大名宮夾道直如箭至尊
黃金輿乘春日幸宴翠嬪長鐘鼓歡呼奏新編巧舞風燕
翻妖歌露鶯囀酒光射錦幄上下花會炫雕盤堆繁英艷
粉弱自戰天歡日無窮臣諫莫敢獻樂極之在理在理亦
可見 來塞宮闕腥膻汚香薦縱火寢廟平揮戈君臣迸
庸嗣忽前醜泚巢福更亂冉冉竟覆亡返爲耕牧便瓦礫
雖費犁土壤頗肥衍蓋由殺人多膏血浸漬遠曠護今成
堆皆昔燕趙面每因鋤耨時數得寶玉片今秋雨澤多穀
穗密如辯農惟喜豐稔吾獨憫遷變不有失德君焉爲穡
夫佃大國尚如此小人易流轉道德可久長詩將自勸

藍田悟真寺作

旅食長安城廼遑奔走無停行清懷壯抱共素向胷中堆
積塵土生偷閒得至玉峰下爲聞悟真之寺之嘉名杖節
赤脚渡藍水細流激激心骨清仰看蒼山高峰旁白雲明
滅藏日光行人遙指置寺處正在白雲之中央逡巡緣棧
更險絕攀蘿捫壁隨低昂明行咫尺乃相失已與雲霧相
翱翔時聞啼鳥如吹竹數步一休還縱目行行未知高則
危下視昏煙覆平陸滿巖佳樹光樸檄赫赤如霞間濃綠
是時八月初路旁已見芬芬菊貪奇戀景不知倦則聃又
復心瑟縮神蒐飛下大壑幽定省移時進雙足寺門高開
朝日輝丹青黯淡唐時屋老僧引我周遊看且云白氏子
詩乃實錄此詩疇昔予所聞殷勤更向碑前讀按言索像
今無復惟有流泉數道如車輻我嫌世累欲暫居又云此
地無畱宿殿宇之後林莽中日暮常有虎豹伏鑿石龕邊
崖至溪近有浮屠於此相棖觸快心宿忿兩不解一乃顛
擠死其谷我聞爲之久蠶感此向期將避煩辱不爲傷生
事更多爭如平地隨流俗歎息回頭急出山始覺金軀已
爲福

興慶池

餘潤漲龍渠疏溜連清澹助曉遠昏山浮秋明刮眼漁歸
別浦閒雁下滄波晚岸北有高臺離魂蕩無限

長安春日效東野

前秋長安春今春長安秋節物自榮悴我有樂與憂窮閭
何卑漏時燕不見投門庭謝過從蘭萌舒綠柔燕託喜廣
厦亦非善是仇蘭生靜愈茂堪將義爲儔芳香誠可慕對

之獨窮愁

太行道

行行太行道一步三歎息
念厥造化初夫何險此極左右
無底豁前後至頑石高者欲作天
朋黨淡者疑地血脉
夜中巖下埋斗杓日午陰壁風雪
號攀緣有路到絕仞四
望羣峰合沓如波濤忽至逼側處
咫尺顛墜恐莫逃嗟乎
古昔未開時隔截往來人不思淳
源一破山嶽碎巧心遂
去緣嶮巖嶮不窮甚可畏悼此二
者亡其宜天地不自
嶮嶮由人爲之彼車摧輪馬傷足
中路勿歎勿慟哭世上
安塗故有焉孰使汝行此道驅高
軒喪墜不收宜爾然

對酒

丈夫少也不富貴胡顏奔走乎塵
世予年已壯志未行案
上敦敦考文字有時愁思不可撥
崢嶸腹中失和氣侍宴
得來太行顛太行美酒清如天長
歌忽發淚迸落一飲一
斗心浩然嗟乎吾道不如酒平
褻哀樂如摧朽讀書百
事人不知地下劉伶吾與歸

夜中

夜分衆誼死耿耿抱真履中君湛
以寧不爲外官使七兵
乘間入攻剽勢向圯主將不謀陣
敵惡蕩然失守遽藏避
駭浪奔騰一刻萬里紛紛變化無
窮已俄如獨繭絲忽復
滿天地乳虎不受縛狂龍難馴致
我思精甲以扞異類邪
慝弗萌元辟復位輔以逍遙之至
道爛然光輝照無際

蜀士

蜀國天下險奇怪生中間有士賈
其姓抱才東入關獻冊

叩諫鼓其言蔚可觀願以微賤軀一得至上前掉舌滅西
寇畫地收幽燕且云太平久兵戰無人言臣嘗學其法自
集數百篇治亂與成敗密然不可刪三獻輒罷志屈心
悲酸將相門戶淡欲往復見攔負販冒日熱引重衝雪寒
羈苦輦轂下以圖晨夕餐如此三歲餘夜夜抱膝歎義者
或賑給遂復歸巴川嗟乎區宇大此徒亦已繁城市與巖
穴隱默孰辨旃幸得出自鬻何惜置末班吾相柄天下處
事當機先古之設爵位蓋欲英雄躔次第立名級不使智
慮閑稍有才器者必以祿仕牽所患在不出既出那棄捐
放蛟入大水驅虎還溪山失一故無害其類莫可攀

已卯冬大寒有感

延川未撤警夕烽照冰雪窮邊苦寒地兵氣相躔結主將

初臨戎猛息風前發朝笳吹餘哀疊鼓暮不絕淹留未見
敵愁端密如髮予聞古烈士自誓立壯節九泥封函關長
纓繫南越本為朝廷羞寧計身命活功名非與期冊書豈
磨滅然由在遇專醜類易剪伐訓士無他才賞罰在果決
近聞邊方奏中覆多沉沒罪者既稽誅功者不見閱雖使
頗收生勇智當坐榻或云廟堂上與彼勢相戛恐其立異
勳欬然自超拔不知百萬師寒刮膚革裂關中困誅斂農
產半置竭我欲叫上帝願帝下明罰早令黠 亡無為生
民孽

獵狐篇

老狐宅城隅涵養體豐大不知窟穴處草木但掩藹秋食
承露禾夏飲灌園派暮夜出旁舍雞畜遭橫害晚登埤境

嗚呼吸召百怪或爲嬰兒啼或變艷婦態不知幾十年出
處頗安泰古語比社鼠蓋亦有恃賴邑中年少兒耽獵若
沉瘵遠郊盡雉兔近水殲鱗介養犬號青鶻逐獸馳不再
勇聞此老狐取必將自快縱犬索幽邃張人作疆界茲特
頗窘急迸出赤電駭羣小助哻嗥奔馳數顛沛所向不能
入有類狼失狙鈎牙咋巨額髓血相潰沫喘吁遂死矣爭
觀若期會何暇正首丘腥臊滿蓬艾數穴相穿通城塚幾
隳壞久此縱凶妖一旦果禍敗皮爲榻上藉肉作盤中膾
觀此爲之吟書以爲警戒

舟中感懷寄館中諸君

時得告之山陽挈家

扁舟迎春色東下淮楚鄉側身風波地回首英俊場顧我
本俗材百事無一長濫迹入冊府舉動初不皇乍脫泥滓
底稍見日月光峻閣鬱前起隱嶙天中央春風花竹明曉
雨宮殿涼溢目盡圖史接翼皆鸞鳳明窗置刀筆大案羅
縑細文字雖幼學鈍慵今癡忘不能溫舊習考古評興亡
覲顏於其間汗下如流漿徒然日飽食出入隨羣行朝廷
此多事亦合強激昂况有詔書在爛然貼北牆奮舌說利
害以救民膏肓不然棄硯席挺身赴邊疆喋血塵羌 胃
膽森開張彎弓射攬搶躍馬埽大荒功勳入丹青名迹書
世香是亦丈夫事不爲鼠子量敷事皆不能徒只飽腹腸
有如鳧雁見啜啜守稻梁歲月今逝矣齒搖髮已蒼於時
既無益自合早退藏諸君天下選才業吁異常願當發冊
慮坐使中國強蠻 不敢欺四海無災殃莫效不肖者所
嚮皆荒唐又不耐羞恥但欲歸滄浪濡毫備歌詠仰首看

翔翔舟中稍無事思益以詳恨無一稜田可以足糟糠
出處皆未決語默兩弗臧莽不知所爲大叫欲發狂作詩
寄諸君鄙懷實所望

送李生

李生以病廢東入徂徠峰志氣尚突兀形骸已龍鍾男兒
生世間有如絕崧松誤爲風雷傷不與匠石逢哀哉千尺
榦摧折似秋蓬

哭曼卿

去年春風開百花與君相會歡無涯高歌長吟插花飲醉
倒不忒眠君家今年慟哭來致奠忍欲出送攀魂車春輝
照眼一如昨花已破類蘭生芽唯君顏色不復見精魄飄
忽隨朝霞歸來悲痛不能食壁上遺墨如棲鷓嗚呼死生
遂相隔使我雙淚風中斜

贈釋祕演

高車大馬闕上京釋曰演者何聲名當季余嘗與之語實
亦可喜無俗情作詩千篇頗振絕放意吐出吁可驚不肯
低心事鑄鑿直欲淡泊趨杳冥落落吾儒坐滿室共論慙
若木陷釘賣藥得錢輒沽酒日費數斗同醉醒傷哉不櫛
被佛縛不爾烜赫爲名卿數季不見今老矣自說厭苦居
都城垂頤孤坐若癡虎眼吻開合猶光精雄心管起忽四
顧便擬擊浪東南行開春余行可同載相與曠快觀滄溟

城南感懷呈永叔

春陽泛野動春陰與天低遠林氣藹藹長道風依依覽物
雖斃適感懷翩然移所見旣可駭所聞良可悲公季水後

旱田畝不及犁冬溫晚得雪宿麥生者稀前公固無望即日已苦飢老雉滿田野斲掘尋鳧筮此物近亦盡卷耳其所資昔云能驅風充腹理不疑今乃有毒觸腸胃生瘡癩十有七八死當路橫其尸犬彘咋其骨烏鳶其皮胡爲殘良民令此鳥獸肥天豈意如此決蕩莫可知高位厭梁肉坐論攬雲霓豈無富人術使之長熙熙我今餓伶俚閔此復自息自濟旣不暇將復奈爾爲愁憤徒滿胃燥屹不能齊

吳越大旱

吳越龍蛇季大旱千里赤尋常杭稼地爛漫長荆棘蜩龍久遁藏魚鼈盡枯腊炎暑發厲氣死者道路積城市接川野慟哭太如織是時西賊羌凶焰日熾劇軍須出東南暴斂不甦息復聞籍兵民驅以教戰力吳儂水爲命舟楫乃其職金革戈盾矛生眼未嘗識鞭笞血塗地惶惑宇宙窄三丁二丁死存者亦乏食寬慰結不宣衝迫氣候逆二年春及夏不雨但赫日安得涼冷雲四散飛霹靂霧靄消禳癘甘潤起稻稷江波開舊漲淮嶺發新碧使我揚孤帆浩蕩入秋色胡爲泥滓中視此久戚戚長風卷雲陰倚柁淚橫臆

楊子江觀風浪

晚至瓜洲渡繫舟泊西灣日落暴風起大浪得縱觀憑凌積石岸吐吞天外山霹靂左右作雪灑六月寒吁嗟至柔物威壯不可干若爲神龍憑氣勢非一端大艦失所操翻覆如轉丸高山雖有路輟險馬足酸居朝號安逸重祿多

憂患爭得清靜交共騎雙翔鸞矯翅入赤霄不見此險艱
奈何蚩蚩衆共處天壤間因知古聖人立泐萬世安濟川
作烏梁鑄鼎窮神姦朝廷布禮度粲粲莫可刪後來漸破
壞所向行路難凶邪得騁志物命遭摧殘視此念古昔杖
藜空盤桓

中秋夜吳江亭上對月懷前宰張子野及寄君謨蔡

大

獨坐對月心悠悠故人不見使我愁古今共傳惜今夕况
在松江亭上頭可憐節物會人意十日陰雨此夜收不唯
人間重此月天亦有意於中秋長空無瑕露表裏拂拂漸
上寒光流江平萬頃正碧色上下清澈雙壁浮自視直欲
見筋脉無所逃遁魚龍憂不疑身世在地上祇恐杳去觸
斗牛景清境勝返不足歎息此際無交遊心魂冷烈曉不
寢勉爲筆此傳中州

越州雲門寺

翠嶂環合封白雲中有蕭寺三爲鄰雲門梁武所作今分爲三寺相連老
松偃蹇若傲世飛泉噴薄如避人蒼 嘯斷夜月古丹花
開徧陽崖春盤桓數日不忍去舟出耶溪猶憐神

和韓三謁歐陽九之作

予方居憂艱曾懷積瘡刺昏明走日月慄慄絕生意闔門
厭過從掩耳避時事韓子我所佳招我勸有謂城南訪永
叔共可豁蒙蔽是時窮陰久泥淖沒馬鼻區區不憚遠飢
渴奔高誼永叔聞我來解榻顏色喜殷勤排清罇甘酸飮
果餌圖書堆滿牀指論極根柢伊余昏迷中忽若出夢寐

劃然毛骨開精神四邊至既歸尚冷然數日飽滋味韓子
歎不足作詩暢精義爛如珊瑚鈎光豔不可閉迫余使之
和庶以同氣類自顧屯鈍極出語少姿媚決別雖強成徒
使腸胃沸永叔經術深爛漫不可既雖得終日談百未出
一二蒼皇逼行役蕭颯包素志不日便乖拆安能訖精粹
他年老門牆君子無我棄

城南歸值大風雪

一夜大雪風喧豗未明跨馬城南回四方迷惑共一色揮
鞭欲進還徘徊舊時崖谷不復見縱有直道令人猜低頭
搶朔風兩眼不肯開時時偷看問南北但見白羽之箭紛
紛來既以脂粉傅我面又以珠玉綴我顙天公似憐我貌
古巧意裝點使莫借欲令學此男女態免使埋沒隨灰埃
據鞍照水失舊惡容質潔白如嬰孩雖然外飾得整好自
覺面目如刀裁又不知胷中肝膽挂鐵石安能柔軟隨良
媒世人飾詐我尚笑今乃復見天公乖應時降雪故大好
慎勿改易吾形骸

出京後舟中有作寄仲文韓二兄弟永叔歐陽九和

叔杜二

久居倦京塵歸心日傾寫扁舟理棹楫已與峻流下斷岸
如崩山遠樹若奔馬回頭雲間闕出沒見圖畫還家快雖
覓去國傷以乍况我二三友眷戀數迂駕前夕南巷堤昨
日東城舍論精如可收意密不見罅恍忽夢寐中蕭然已
相捨他人所至樂惟我氣類寡迂僻不能鑄往往自嗟罵
平生居京都正輩乃知者異鄉孰與言救謗定不暇柔軟

衆所佳佞面誰可借中懷百憂集包釀似菹鮓身世苦飄
浮歲月不可把後期浩難知高吟但悲灑

大風

秋半收穫登郊原欹側小屋愁夕眠是夜大風拔樹走吹
倒南壁如崩山夢中驚起但呼叫病僕未動徒厯喧驅令
燃火徧照燎瓦甍狼藉滿我前披衣抱枕欲避去去此乃
是曠野田况時風怒尚未息直恐涇渭遭吹翻露坐不免
念禾黍必已刮刷無完根六事不和暴風作嘗聞洪範有
此言昔時大風禾盡偃上帝蓋直周公寃方今天子至神
聖惟恐臣下辜其恩是何此風乃震作吹盡秋實傷元元
有能返風起禾者亦足表異知所存至誠皎潔固不昧時
雖今古同乾坤

舟至崔橋士人張生抱琴攜酒見訪

晚泊野橋下暮色起古愁有士不相識通名叩余舟鏗鏗
語言好舉動亦風流自鳴紫囊琴瀉酒相獻酬余少在仕
宦接納多交遊失足落坑阱所向逢戈矛不圖田野閒佳
士來傾投山林益有味足可銷吾憂

維舟野步呈子履

白日出高岡遠野春氣動蒼鳩鳴相歡幽草色已弄繫舟
大河曲登步目一縱逍遙翫物華所樂與君共已忘竄逐
傷但喜懷抱空古人負才業未必爲世用吾儕性踈拙擯
棄安足痛四顧不見人高歌免驚衆

滯舟

落照滿長河流水暖冲融中有鳧鷖羣上下隨和風捕魚

沒淺浦矯翅入紫空嬉遊意自得肯顧冥鴻伊余何所
適舟滯數見窮十步九暗灘咫尺不可通瘵工裂吻噪捨
檝將何從巨組挽屢斷有如拔山峰夕憂寇盜至蹶弩映
岸叢徊徨但搔首歎息無所容曾無鳥禽樂虛在人曹中

過濠梁別王原叔

交道今莫言難以古義責錙銖較利害便有太行隔予生
性濶疎逢人出智臆一旦觸駭機四向盡戈戟平生朋游
面化爲虎狼額謗氣慘不開中者苦病疫遂令老成人坐
是亦見斥旣出芸香署又下金華席摧辱實難任官名亦
非惜罪始職於予時情未當隙今來濠川涯日夜自羞惕
高風激頽波相遇過疇昔白壁露肺肝晴雲見顏色乃知
天壤間自有道義伯明日又告行吁嗟四海窄

送黃莘還家

東風搖江波碧草日夜芳藹藹春物歸遊子思故鄉黃生
士林華志業收精剛虎步南山隈氣立衆獸旁不肯受羈
轡但欲插翅翔顧亦念所親歸心劇風檣想當舍檝初喜
氣充門墻晨昏奉顏色以時薦豆觴雖享萬鍾祿此樂不
可償予家白日下偶來戀滄浪因君江上別撩我歸興長

和菱磯石歌

滁州信至詫雙石云初得自菱水濱長篇稱夸語險絕欲
使來者不復言畫圖突兀亦頗怪張之屋壁驚心魂麒麟
才生頭角異混沌雖死竅繫存瑯琊之郡福且僻得此固
可駭衆觀予嘗飛帆入震澤窮探異境登龜龜太湖三山
名最出怪石
居民百戶石爲業日夜采琢山不貧山前森列戰白浪

猶似萬百鐵馬羣雨昏浪打歲月古千株萬穴疆復奔自
嗟才力本衰弱安敢抵敵爲之文况茲出產極易致鄉俗
見慣不甚尊彼以至少合貴重胡爲久棄如隱淪偶逢精
識見獎拔衆目今乃稱奇珍百人擁持大車駁城市觀走
風濤翻立於新亭面幽谷共爲澡刷泥沁痕涼泉下魚嘉
樹陰翠影澄澹留煙雲裹以篇章繪縑素積歲汨沒一日
伸苟非高賢獨賞激終古弃卧於窮津世人愛憎逐興廢
使我吟歎傷精神

頂破二山詩

北邑有頂山下潛子母虬其子去爲雨以救鄉人憂前肇
穹峰開化出百丈湫後因號破山致祠獻庶羞歲來省其
母風雹六月秋煙雲騰踏去不復經月留邑民賴其靈雖
旱歲有收因成雨佛宇幽邃號勝遊礪泉走鸞車松桂擁
石樓夜堂人噤滲陰壁風颼颼近年返暴雨頗亦傷田疇
老農務祈禱梵唄日不休常爲釋徒利乃作生民讐嗚呼
二虬者其說何悠悠

永叔石月屏圖

日月行上天下照萬物根向之生榮背則死故爲萬物生
死門東西兩交征晝夜不斲停胡爲號山石留此皎月痕
常存桂樹散疎陰有若圖畫成永叔得之不得曉作歌使
我窮其原且疑月入此石中分此兩曜三處明或云蟾兔
好溪山逃遁出月不可關浮波穴石恣所樂嫦娥孤坐初
不覺玉杵夜無聲無物來擣藥常娥驚推輪下天自尋捉
遠地掀江踏山岳二物驚奔不復見畱此玉輪之迹在青

壁風雨不可剝此說亦詭異予知未精確物有無情自相
感不間幽微與高邈老蚌向月月降胎海犀望星星入角
形霞爍石變靈砂白虹貫巖生美璞此乃西山石久爲月
照着歲久光不滅遂有團團月寒輝籠籠出輕霧坐對不
復嗟殘缺蝦蟇蟄汝惡齧吻可能食此清光沒玉川子若
在見必喜不徹此雖隱石中時有靈炁發土怪山鬼不敢
近照之僵仆肝腦裂有如君上明下燭萬類無遁形光艷
百世無虧盈

演化琴德素高昔嘗供奉先帝聞予所藏寶琴求而
揮弄不忍去因爲作歌以寫其意云

雙堦老師古突兀索我瑤琴一揮拂風吹仙籟下虛空滿
坐沉沉疎毛骨按抑不知聲在指指自不知心所起節奏

可盡韻可收時於疎澹之中寄淡意淡味薄我獨知陶
然直到羲皇世曲終瞑目師不言忽言昔常奉至尊祥符
天子政多暇詔求絕藝傳中閣紫宸伏退霜日紅隨鞭入
對蓬萊宮平戎一弄沃舜聰貂璫壁立亦動容紫蘭之袍
出禁府聲華一日千門通今來老病卧澤國賞音不過前
事空一雙玉鶴天上飛人間但見枯死桐幸逢寶器慙心
手因聲感舊涕灑曾顧我踟躕不忍去將行更欲畱悲風

寄王幾道同年

新安道中物色佳山昏雲淡晚雨斜眼看好景懶下馬心
隨流水先還家步頭浴鳥暖出沒石側老松寒交加懷君
覽古意萬狀獨轉間口吟幽花

田家詞

南風霏霏麥花落豆田漠漠初垂角山邊夜半一犁雨田
父高歌待收穫雨多蕭蕭蠶簇寒蠶婦低眉憂繭單人生
多求復多怨天公供爾良獨難

丙子仲冬紫閣寺聯句

白石太古水才翁蒼崖六月水昏明咫尺變美身世逗暹增
橋與飛霞亂才翁人兼獨鳥升風泉冷相搏美樓閣暮逾澄
反復青冥上才翁躋攀赤日稜唄音充別怪美埕影弔寒藤
仙掌掛太一才翁佛壇依古層巖喧聞鬪虎美臺下饑鷹
晴檻通年雨才翁濃蘿四面罨日光平午見美霧氣半天素
潭碧寒疑裂才翁鍾清遠自凝陽吹冬聚笋美陰壁夏垂繒
有客饒佳息才翁高吟出遠凭雄心翻表裏美遠目著軒騰
岑寂來清夜才翁沉冥接定僧宿猿淡更杳美落木靜相仍

松竹高無奈才翁煙嵐翠不勝甘酸收脫實美坳隩布清澄
北野纔沉著南天更勃興恣睢超一氣才翁黠駝起孤鵬並
澗寒堪摘看雲重欲崩行中向背失美呼處下高應庭樹
巢金爵樵兒弄玉繩斷香浮缺月才翁古像守昏燈乳管明
相照莎髯綠自矜淡疑嘯神物美欲敵肴陵俯仰孤心
撓回翔百感登畫圖風勁壁詩句涕霑膺先公有雷題歲
月看流矢才翁心腸劇斷絙追攀初有象悲潰遂相乘故賞
知無遁遺靈若此憑依然忍回首美愁絕下峻嶒才翁

水輪聯句 十六韻

痛矣真源喪紛紜物象來美子水輪今若此世事亦宜哉才翁
上下車交輻周旋斗轉魁美子咸淵口微墮仙窟月初開才翁
旁梔從爲用垂緇重亦回柄多初不曉機密暗相該美子圍

外滄浪洩庭間霹靂摧玉飛千仞表纓掛九泉隄才翻覆
殊難定牽連巧自媒建瓴今比速抱甕此相哀子平眠曾
無覺漢窺遂可猜團團釋子壁軋軋王臺才解見陶埏
運寧觀將轂推造端緣有發汲用始知材子本異道家意
定遭怡士哈轉圓非雅具欹器有淡災才持滿忘前監相
傾自下催流風無以復視此一徘徊子美

薦福增聯句

踴甓皇都壯才翁盤基紫宙雄山河供遠目才絳簷戶發高風
梯險三休上子美輪開一氣中門當谷子午才翁影落陌西東
韻鐸翻天籟才絳危觚駐夕紅側聆悲下俗子美仰面識長空
絕若神擠至才翁淡疑齧暗通人寰如蟻垤才絳身世甚秋蓬
歎息典亡地子美沉吟製作工清息抱明月狂欲把飛鴻去

美登臨興才翁巍乎造化功涼襟當爽塏幽意入鴻濛頭角

峰如揖才絳丹青樹不同城郭回迤邐閣殿失穹隆可使孤

懷放子美胡為萬恨終何當得壯士提取出塵籠才翁

悲二子聯句

穆修伯長 凌孟陽伯華

有客自遠方來以二子說穆子病疾初家事巨細缺鄰人
塔其求才翁醫師久已決案孟小大空布被旁午裂餘喘尚
能鼓子美老憤知已結目凄望羊泓髭斷反蝟苗憂酸繫餘
生才翁嗥嗥畱永訣語妻後日計書策未可徹教子立世資
子美圓曲勿自說吾屬何流離衆人方草竊凌子久道路才翁
走口著羈屑恰旅重江間正值大飢節既無裹飯交子美疾
走繼麤糲又無執漿人及時沃枯渴惜哉損天命才翁痛焉
在親經帝胡生爾身世復稱其傑曾伏氣萬丈子美腸貯怨

百折艱難泊風波憔悴墮霜雪久僕勤龍鍾才弱女癡跛
躡文隨寒餓空道與煙焰滅魂兮竟何歸美子去矣不得別
長府豈無財莫濟醫藥切太倉豈無粟才莫解腹腸熱天
子聖在上海內清欲徹伊人胡不官美子既死安得活朝青
與暮紫神喜天不軋昂車與怒馬才門滿道不絕之子苟
閒廁斯民廼食餐高亢世弗親美子方嚴鬼所製敢言足才
珍寧免否來齧息潛淚輒抽才慘舊面成臺舉目此牢落
側身今鄙蝶箴言耳空虛美子險論口欲甦作詩告石梁聊
以慰寒骨才叔

地動聯句

天荒孟冬月才翁末旬高春時日腹昏盲美子風口鳴嗚咿
萬靈困陰戚才叔百植嗟陽衰濃寒有勝氣美子大凍無敗期

六指忽搖拽才叔羣蹠初奔馳九銅落蟾吻美子始異張渾儀
列宿犯天紀才叔預驗漢志辭民堯函鼓舞美子禁堞強崩離
坐駭市聲死才叔立怖人足踣坦途重車債美子急傳壯馬歛
陵阜動撫手才叔礫塊當揚箕停汚有亂浪美子僵木無靜枝
眾啄不暇息才叔奔嶂驚欲飛踊塢撼鐸碎美子安流蕩舟疲
倒壺喪午漏才叔顛巢駭眠鴟居人眩眸子美子行客勞觸兒
南北頓儵忽才叔西東播四鎮一毛重美子百川寸涔微
斗藪不知大才叔軒幹主者誰共工豈復怒美子富媪安得為
寧無折軸患才叔頓易崩山悲眾蟄不安土美子羣毛難麗皮
驚者去靡所才叔仆或如見擠轟雷下簷瓦美子決玉傾倉棗
雙顛太室吻才叔四躍宸庭螭萬宇變旋室美子百城如轉機
念此大蓄患才叔必由政瑕疵勝社勇厥氣美子孤陽病其威

傳是下乘叔亦曰尊屈卑夫惟至靜者子猶不可保之

况乃易動物叔何以能自持高者恐顛墜子下者賞鎮綏

天戒豈得慢叔肉食宜自息變省孽可息子損降禍可違

願進小臣語叔兼為丹旻規偉哉聰明主子勿遺地動詩

瓦亭聯句

陰霜策策風呼虓 賊膽開凶焰子豪赤膠脆折乳馬健

漢野秋穉黃雲高子驅先老虺伏壯 裹以山谿鬼莫招

美烽臺屹屹百丈起但報平安搖桔槔子喜聞羸師入吾

地主將踴躍士隨驕子神鋒前揮擁勝勢橫陣立敵俱奔

逃子不知餌牽落檻穿一麾發伏如驚飈子重圍八面鳥

難度相顧無路惟青霄子地形窄束甲刺骨背裂不復能

相鏖子棄兵袞袞今不殺部曲易主無纖囂子慟哭皇天

未厭禍空同無色勁氣消子狂童得志賤物命隴上盤馬

為嬉遨子蒼皇林間健兒婦剪紙瀝酒呼嗷嗷子將軍疾

趨占葬地年年載柩爭咸嶠子朝廷不惜好官爵鋒蜜刻

印埋蓬蒿子三公悲吟困數敗車上輕重如鴻毛子白衣

壯士氣塞腹憤勇不忍羞本朝子重瞳三顧可易得亮輩

本亦生吾曹子窮居哀牢厭咄咄歲月奔激朱顏彫子當

年請行大明下今日頽墮息南巢子陽羨溪光逗蒼玉尺

半健鯽煙中跳便欲買田學秧稻子不復與世爭銷毫奈何

三世奉恩澤肯以軀命辭粘焦子以知出處繫大義一飯

四顧情如燒賀蘭磨劍河飲馬頸繫此賊期崇朝歸來天

下解倒掛玉色藹藹宸歡饒子筆傾江河紙雲霧歎頌天業

包陶姚子美

淮上喜雨聯句

江淮經歲早春暮忽然雨子美亂點踰廣津散灑入原土子美
 萬物氣稍蘇腐妖莫能聚子美羣山洗故塵紫翠坐可數子美
 昏如籠纖紗媚若映紺縷子美碧瓦南崦中重疊出迥覩子美
 扁舟凌空飛白鳥入煙舞子美遙林動新滋顏色若可取子美
 碧草弄微芳低昂欲來語子美繁聲過沙頭上下謳鷓鴣子美
 濃淡新畫成快愜久病愈子美念此時多虞豈得歲少阻子美
 焦心悶疲農虛口待香稌子美縣吏事凶貪氣若解縛虎子美
 惟於縱誅斂乃能奮怒武子美青天雖云明疑不照艱苦子美
 此時忽霽霈知有神物主子美不然諸蒼生性命委草莽子美
 本蹙邦豈寧皮去毛安附子美歌此告巨公行當視前古子美

和石曼卿明河詠

八月銀河好天高夜自明樓臺通迥意風露得餘清幾為
 浮雲亂都宜小雨晴離人強回首耿耿邈無情

師黯以彭甘五子為寄因懷四明園中此果甚多偶
 成長句以為謝

憶向江東大守園猗猗甘樹蔽前軒風搖玉蕊霏微落霜
 金衣委墜繁枕畔冷香通醉夢齒邊餘味滌吟魂天彭
 無因得猶賴君心記舊恩

遊洛中內

洛陽宮闕鬱嵯峨千古榮華逐逝波別殿秋高風浙瀝後
 園春老樹婆娑露凝碧瓦寒光滿日轉觚稜暖豔多早晚
 金輿此游幸鳳樓前後看山河

送家靜及第後赴官清水

幾年塵土客京華一日春乘犯斗槎
夢好夜歸全蜀道眼明朝宴上林
花白頭佐邑非爲晚藍綬還鄉亦可誇
况有雄圖看悟主莫傷孤宦向天涯

靜勝堂夏日呈王尉

虛堂吏事稀吟卧欲忘機
窻靜蜂迷出簾輕燕誤飛
煩心傾晚簟倦體快風衣
更想霜雲外同君看翠微

黎生下第還鄉

人云之子賢文采出巴川
失意聲名在還家歲月遷
離懷春色裏歸路夕陽邊
無廢青箱學窮愁古亦然

春日晚晴

人言春雨好更好晚來晴
樹色通簾翠煙姿著物明
得泥初燕喜避弋去鴻輕
誰見危欄外斜陽盡眼平

遊南內九龍宮

昔帝龍驤後因池大此宮
簫笳疊終日旌仗展無窮
繪塑神靈集飛潛爪角雄
陰軒常隱霧暗堵亦含風
巨盜來移鼎天王遽避戎
蒼黃狩巴蜀倏忽陷河潼
閣殿回看遠塵氛久見蒙
歸來故基在不與往時同
疊瓦煙間碧新葦露下紅
波春蕩初月沙晚發悲鴻
世變今無復人愁杳莫終
樹穿瑤甃裂碑碎玉樓空
九曲皆遺石諸王祇斷蓬
興亡何足問一上夕陽中

送陳進士遊江南

昔也衣裾已化塵驅車令去涉
驚津淮天蒼茫背殘腸江路
透迤逢舊春時有飄梅應得句
苦無蒸酒可霑巾歸來

莫戀溪山勝，楓鬼耶厥解笑人。

和馬承之古廟

貌空山裏垣，頽入徑斜尚應名。竹素不復祭，牲殺木暗
鴟呼鬼庭荒。雀啣蛇有靈，從寂寞慎勿學凶邪。

和解生中秋月

不爲人間意，居然節物清。銀塘通夜白，金餅隔林明。醉客
樽前倒，棲鳥露下驚。悲歡古今事，寂寂墮荒城。

宿太平宮

驅車長道久，塵勞一宿清。宮醒骨毛古，檜有風天自籟石。
壇多露鶴爭，嗥星河耿耿秋。還迴樓觀澄澄夜，更高吟對
疎鐘俗機盡。已疑身世屬仙曹。

獨遊輞川

行穿翠靄中，絕磴落疎鐘。數里踏亂石，一川環碧峰。暗林
藁養角，當路虎畱蹤。隱逸何曾見，孤吟對古松。

過下馬陵

下馬陵頭草色春，我來懷古一霑巾。陵邊又有纍纍冢，應
是當年取酒人。

覽含元殿基因想昔時朝會之盛且感其興廢故

在昔朝元日，千門動地來。方隅正無事，輔相復多才。仗下
言纓肅，天中繖扇開。皇威瞻斗極，曙色辨崔嵬。赤案波光
三鳥稍，電尾回熊羆。驅禁衛，雨露覆蘭臺。橫賜偵中帑，窮
一役九垓。只知營國用，不畏屈民財。翠輦還移幸，旻天未
可災。羣心尊困獸，回首變寒灰。曾以安無慮，翻令世所哀。
行人看碧瓦，獨鳥下蒼苔。雖念陵爲谷，遙知禍有胎。青編

遺迹在此地亦悠哉

望秦陵

雄心雖蓋世竟亦棄羣臣役重傾天下時危啓聖人石麟
空舉首銀海罷流春隴闕今無復應淡行路塵

畱題樊川李長官莊

杜曲東邊風物幽我來繫馬獨淹畱門前翠影山無數竹
下寒聲水亂流酒壓新陳常得醉花開番次不知秋生公
堆案縈官事早晚歸來今白頭

宿終南山下百塔院

驅馬山前訪古蹤僧居瀟灑隔塵籠遠庭石竈谷間水入
戶鳴鴉堆上風無限老松秋色裏數聲疎鐸月明中村雞
坐聽三號徹去去前朝氣味同

宿華嚴寺與友生會話

危構岩巖出太虛坐看斜日墮平蕪白煙覆地澄江濶皎
月當天尺壁孤疎磬悲吟來竹閣青燈寂寞照吟軀老僧
怪我何爲者說盡興亡涕淚俱

送王揚庭著作宰巫山

蘭臺舊漫郎爲邑上瞿塘地僻風煙古公餘日景長江聲
通白帝山勢入青羌落筆多佳句時應滿錦囊

晚意

晚色微茫至前山次第昏羸牛歸逕遠宿鳥傍簷翻盤喜
黃粱熟盃餘白酒渾田家雖淡薄猶得離塵喧

春暮初晴自御宿川之華嚴寺

春莫曾無屬物心野行聊得據鞍吟路經廢苑情通古水

遶蒼山意共淡殘日花間浮暖豔斷雲樓外卷輕陰騷人
自昔傷鶻鳩休苦風前送好音

次韻和師黯寄王耿端公

蘇惡曾收柱後冠淹淪今未復榮班青雲失路初心遠白
雲盈簪壯志閑旣馬尚嘶駉奮迅篋衣猶曝繡闌班風流
縣尹多才息時寄篇章與解顏

聞京尹范希文謫鄱陽尹十二師魯以黨人貶郢中
歐陽九永叔移書責諫官不論救而謫夷陵令因
成此詩以寄且寬其遠邁也

朝野蔚多士袞然良可羞伊人秉直節許國有深謀大議
搖巖石危言犯采旒蒼黃出京府憔悴謫南州引黨俄嗟
尹移書遽竄歐安慙言得罪要避曲如鈞郢路幾束馬荆

川還沂舟傷心衆山集舉目大江流遠動家公念師魯父

東川淡貽壽母憂永叔有母垂老橫身罹禍難當路積仇讐衛上寧

無術亢宗非所復吾君思正士莫賦畔牢愁

暑景

溽暑倦幽齋縱橫書亂堆風多應秀麥雨密不黃梅乳燕
並頭語紅葵相背開吟餘晴月上涼思入樽罍

夏中

院僻簾淡晝景虛輕風時見動竿鳥池中綠滿魚畱子庭
下陰多燕引雛雨後看兒爭墜果天晴因客驟殘書幽棲
未免牽塵事身世相忘在酒壺

夏意

別院淡淡夏簟清石榻開遍透簾明樹陰滿地日當午夢

覺流鶯時一聲

和淮上遇便風

浩蕩清淮天共流長風萬里送歸舟應愁晚泊喧卑地吹入滄溟始自由

先公之愛馬以病寄他廐今死矣

先君所乘馬其色白於銀磊落龍之種權奇世共珍獨嘶如想望久步見精神方日照代夜拳毛刷渭津先公在河東陝右皆乘此鬣寒如擁浪蹄駛不驚塵潦倒已伏歷蒼黃仍借人俄傳弊帷信無復錦蒙親倚棹息神駿蕭然淚灑巾

重過句章郡

曾隨使旆此東歸日日登臨到落暉疇昔侍行猶總角如今重過合霑衣窺魚翠碧忘形坐趁伴蜻蜓照影飛風物依然皆自得歲華飄忽賞心遲

晚出潤州東門

京口古雄處昔年嘗此過風流看石獸人事共江波河轉路疑盡日斜山更多城樓鬱天半回首恣吟哦

無錫惠山寺

寺古名傳唐相詩三伏奔迸予何之雲山相照翠會合殿閣對走涼參差清泉絕無一塵染長松自是拔俗姿二邊日鬪格釋子宴坐殊不知

過蘇州

東出盤門刮眼明蕭蕭疎雨更陰晴綠楊白鷺俱自得近水遠山皆有情萬物盛衰天意在一身羈苦俗人輕無窮好景無緣住旅棹區區暮亦行

秀州通越門外八九里臨水多佳木茂樹以便風不
得停舟一賞愴然爲詩

密樹重蘿覆水光珍禽無數語琅琅驚帆瞥過如飛鳥回
首風煙空斷腸

秀州城外九里有竹樹小橋予十八年前與友人解
晦叔飲別于此今過之景物依然而解生已亡悲
歎不足復成小詩

當年共醉此橋邊道舊狂歌至暮天得句旋題新竹上移
舟還傍亂花前君埋塵土骨應化我逐風波心欲燃落日
長號感人事沙頭寂寞上漁船

天章道中

畫鷁低飛湖水平高低樓閣滿稽城人遊鑑裏山相照魚
戲空中日共明盡是荷風香不斷忽逢溪雨氣尤清藍輦
却上蘭亭步猿鳥雲蘿伴此行

望太湖

杳杳波濤閱古今四無邊際莫知深潤通曉月爲清露氣
入霜天作暝陰笠澤鱸肥人膾玉洞庭柑熟客分金風煙
觸目相招引聊爲停橈一楚吟

太禹寺

鑑湖盡處衆峰前寺古蕭疎水石間殿閣北垂連禹廟松
筠東去入稽山坐中巖鳥自上下吟久溪雲時往還我厭
區區走名宦未能來此一生閒

杭州巽亭

公自登臨闢草萊赫然危構壓崔嵬涼翻簾幌潮聲過清

人琴樽雨氣來疇昔江山何處好生平懷抱此中開東南
地本多幽勝此向東南特壯哉

松江長橋未明觀魚

曙光東向欲隴明漁艇縱橫映遠汀濤面白煙昏落月嶺
頭殘燒混疎星鳴榔莫觸蛟龍睡舉網時聞魚鼈腥我實
宦遊無况者擬來隨爾帶笭箆

淮中晚泊犢頭

春陰垂野草青青時有幽花一樹明晚泊孤舟古祠下滿
川風雨看潮生

湘公院冬夕有懷

去年急雪灑窗夜獨對殘燈觀陣圖今夕悲風撼軒竹又
來開卷擁寒鑪禪房瀟灑皆依舊世路崎嶇有萬殊

離京後作

春風奈別何一棹逐驚波去國丹心折流年白髮多脫身
離網畧含笑入煙蘿窮達皆常事難忘對酒歌

答和叔春日舟行

幽人漂泊興無窮弄水尋花處處同春入水光成嫩碧日
勻花色變鮮紅靜中物象知誰見閒極情懷覺道充寄語
悠悠莫疑我五湖今作狎鷗翁

舟行有感

忽忽賞節物區區何所歸天陰鳥自語水落岸生衣客况
如難念人生與願違東風百花發獨采北山薇

淮亭小飲

氣復清淮亭臨亂石開旅愁無處避春色爲誰來酒賴

壽陽閒望有感

野亭下偶登臨下蔡風流古至今遠嶺抱淮隨曲折亂
野乍晴陰幽人憔悴搔白首啼鳥哀鳴息故林觸處
何足慟直回天地入悲吟

阻風野步有感呈子履

孤舟畱滯已春殘攜手悽悽田野間盡日東風吹百草有
時雙鷺下前灣古來少見如君困世上應無似我閑斗檝
塵襟莫回首謗書終不到溪山

過泗水

五年六經此仰首歎勞生山是往時色人皆今日情機心
去國少塵眼向淮明物理吾俱曉漂流安足驚

和丹陽公素學士晚望見懷

古郡登臨足勝遊使君才調更風流過雲送雨海山暗斜
日催蟬江樹秋屢辱嘉招嗟放棄又傳新詠慰淹畱霜天
乘興當西謁共醉城尖四望樓

送子履

一舸風前五兩飛南遷今去別慈闈人生多難古如此吾
道能全世所稀幸有江山聊助息莫隨魚鳥便忘歸君親
恩大須營報學取三春寸草微

題花山寺壁

寺裏山因花得名繁英不見草縱橫栽培剪伐須勤力花
易凋零草易生

春睡

別院簾昏掩竹扉朝醒未解接春暉身如蟬蛻一榻上夢
似楊花千里飛嗒爾暫能離世網陶然直欲見天機此中
有德堪爲頌絕勝人間較是非

覽照

鏡面蒼髯目有稜世間兒女見須驚心曾許國終平 命
未逢時合退耕不稱好文親翰墨自嗟多病足風情一生
肝膽如星斗嗟爾頑銅豈見明

秋懷

年華冉冉催人老風物蕭蕭又變秋家在鳳凰城闕下江
山何事苦相留

中秋松江新橋對月和柳令之作

月晃長江上下同畫橋橫絕冷光中雲頭豔豔開金餅水
面沉沉卧綵虹佛氏解爲銀色界仙家多住玉華宮地雄
景勝言不盡但欲追隨乘晚風

病中得杜丞相見寄詩感而有作

易毀唯遷客難諳是俗情愁多怯秋夜病久厭人生委順
聞之舊衰羸見者驚新詩如接待吟罷涕淋纓

滄浪懷貫之

滄浪獨步亦無悰聊上危臺四望中秋色入林紅黯淡日
光穿竹翠玲瓏酒徒漂落風前燕詩社凋零霜後桐君又
鬢來還徑去醉吟誰復伴衰翁

和彥猷晚宴明月樓二篇次韻

奚聲來從一氣外樓角插在蒼霞中豔歌橫飛送落日哀
箏自響吹霜風低昂黛色四山黯凌亂纈紋疎樹紅憑欄

揮手問世俗何人得到蟾蜍宮
落晚天邊燕席開溪山相照絕纖埃綠楊有意簷前舞涼
月多情海上來香穗縈斜凝畫棟酒鱗環合起金罍自疑
身是乘槎客泛徹銀河却欲回

依韻和王景章見寄

歲律崢嶸臘候深一天風雪卷愁陰故人默默懷交意逐
客悽悽上國心千里相望空眇眇當年下吏阻追尋咄嗟
謗口聞高誼披豁羈懷見雅吟學道元將禦窮困浮生何
必計升沉世間機穽知難避往者圖書可自箴猶得雲山
開醉眼可無俗物撓沖襟鵬來閒暇何須怪鬼見邪歛豈
易禁楚客畱情著香草啓期傳意入鳴琴夫君自止丹
去莫忘雲泉寄好音

答仲儀見寄

前歲京都吏議喧勁弓摧翮雨連翮男兒窮困終歸道世
路傾危自有天雲豁已通塵外意茅齋仍得日高眠寄聲
吾舅無相念今作江湖九館仙

雨中聞鶯

嬌駭人家小女兒半啼半語隔花枝黃昏雨密東風急向
此漂零欲泥誰

秋雨

陰風攪林壑驟雨到江湖白日不覺沒繁雲何處無樓吟
涼筆硯溪夢亂菰蒲聞說京華甚污泥入敝廬

懷月來求聽琴詩因作六韻

正聲今邁矣古道此焉存商緩知臣僭風熏見帝尊雄豪

尚餘勇淡洎忽忘言繁極殊無間來長若有源已能通變
化直可探胚渾此理師應得西風獨掩門

送黃通

浪遊天下訪知音健節亭亭恥陸沉當日拜官隨鶴版此
時孤宦入蛇林羈愁雖得著書樂風物能傷遷客心顧我
冥頑如瓦石爲君分袂亦悲吟

秋宿虎丘寺數夕執中以詩見贖因次元韻

生事飄然付一舟吳山蕭寺且淹留白雲已有終身約
酒聊驅萬古愁峽束蒼淵淡貯月巖排紅樹巧裝秋裴回
欲出向城市引頰煙蘿還自羞

夢歸

雨隔疎鐘曉不知春風吹夢過江西雨聲敲夢北窗響

憶江西路亦迷

獨步遊滄浪亭

花枝低欹草色齊不可騎入步是宜時時攜酒祗獨往醉
倒唯有春風知

初晴遊滄浪亭

夜雨連明春水生嬌雲濃暖弄微晴簾虛日薄花竹靜時
有乳鳩相對鳴

遊招隱道中

揚鞭望招隱塵息漠然收雲接青林合泉兼碧草流疎鐘
傳別壑晚日動前樓嘉遁平生志吁嗟得暫遊

揚州城南延賓亭

亂蟬咽咽柳霏霏獨上危亭俯落暉江外山從林下見城

中人向渡頭歸風煙遠近息高道豺虎縱橫難息機出處
兩垂空自撓傷哉吾道欲何依

晚泊龜山

南灣晚泊一裴回小徑山間佛寺開石勢向人森劔戟灘
光和月瀉瓊瑰每傷道路銷時序但屈心情入酒盃夜籟
不喧羣動息長吟聊以寄餘哀

滄浪靜吟

獨遠虛亭步石矧靜中情味世無雙山蟬帶響穿疎戶野
蔓盤青入破窗二子逢時猶死餓三閭遭逐便沉江我今
飽食高眠外唯恨澄醪不滿缸

丹陽子高得逸少瘞鶴銘於焦山之下及梁唐諸賢

四石刻共作一亭以寶墨名之集賢伯鎮爲之作

記遠來求詩因作長句以寄

山陰不是換鵝經京口今存瘞鶴銘瀟灑集仙來作記風
流太守爲開亭兩篇玉蕊塵初滌四體銀鈎蘚尚青我久
臨池無所得願觀遺法快沉冥

遊雪上何山

今古何山是勝遊亂峰縈轉繞滄州雲含老樹明還滅石
礙飛泉咽復流偏嶺煙霞迷俗客一溪風雨送歸舟自嗟
塵土先衰老底事孤僧亦白頭

冬日偶書

謾走聲名三十年亦曾文采動君前玉顏結齒他人棄獨
守殘燈理斷編

寒夜十六韻答子履見寄

風雨夜寒新空齋感慨頻詩書窮不放燈火靜相親眺聽
時懷土低摧動畏人魏文詩云客漫書成咄咄遠吠厭猜
猜念昔罹憂患惟君共苦辛漂流數千里會合十餘旬各
閔傷弓翼聊同噉朱鱗誰知公治罪衆笑伯龍貧隔絕今
一水睽離將再春嘉篇數爲覘尺牘亦相珍倚伏時難定
屯亨理亦循劔埋猶有氣蠖屈尚能伸邦國方登俊江湖
且放神不憂知在命仕重莫如身白首襟期遠青雲志業
均陶然任元化慎勿損天真

獨遊曹氏園因寄伯玉

去年把酒共裴回今日尋幽獨此來竹密似嫌閒客入梅
香應待主人開贊謀盛府方投刃捍患長提正展才早晚
得歸如舊約伴君池上倒樽罍

小酌

寒雀喧喧滿竹枝驚風浙瀝玉花飛霜柑糖蟹新醅美醉
覺人生萬事非

送人還吳江道中作

江雲春重雨垂垂索寞情懷送客歸不憤東流促行棹羨
他雙燕逆風飛

題廣喜法師堂

我爲名驅苦俗塵師知法喜自怡神未如歡戚兩忘者始
是人間出世人

詩僧則暉求詩

全吳氣象豪詩思合翹翹風雅久零落江山應寂寥會將
趨古澹先可去浮囂好約長吟處霜天看怒潮

關都官孤山四照閣

勢壓蒼崖險可驚，攀雲半日到軒楹。旁觀竹樹回環翠，下視湖山表裏清。漸覺愁隨煙靄散，只疑身有羽翰生。他年君掛朱幡後，蠟屐筇枝伴此行。

清軒

誰鑿幽軒刮眼清，湖中嘉處更禪扃。龍聽夜講寒生席，鷗伴晨齋暖戲庭。水月澄明應作觀，雲山濃淡自開屏。我公亦爲畱奇句，此地人間合有靈。

某爲世所棄，困居于蘇。平生交遊過門不顧，長安侍讀葉丈不以秦吳之遠，高下之隔，閱此窮悴，特貺以詩。然韻險句奇，不可攀續。仰酬高誼，強抉蕪音。公鎮西都，擁劇權，遠嗟窮苦，寄新篇，氣雄迴出關，河外句。

險空驚魚鳥，前玉帳夜嚴兵。似水草齋春，靜草如煙才。愚榮悴皆殊絕，自笑相酬更斐然。

暑中閒詠

嘉果浮沉酒半醺，牀頭書冊亂紛紛。北軒涼吹開疎竹，卧看青天行白雲。

寄題趙叔平嘉樹亭

嘉樹名亭古意同，拂簷圍砌共青葱。午陰閑淡茶煙外，曉韻蕭疎睡雨中。開戶常時對君子，遶軒終日是清風。盤根得地年年盛，豈學春林一餉紅。

西軒垂釣偶作

曾以文章上石渠，忽因讒口出儲胥。致君事業堆曾臆，却伴溪童學釣魚。

夜聞笙酒有聲因而成詠

糟牀新壓響泠泠
欹枕初聞睡自輕
幾段愁悰俱滴破
一番歡意已翳成
空階夜雨徒傳句
三峽流泉無此聲
只待松軒看飛雪
呼賓同引甕頭清

秋夕懷南中故人

向夕依欄念昔遊
蕭條節物更他州
池光不動天深碧
月色無情人獨愁
千里江山幽信絕
一場風露敗荷秋
征鴻急急知何事
斷續哀鳴過不休

垂崖詩鈔

五

張詠字復之濮州鄆城人舉進士知崇陽縣歷官樞密直學士知成都益州禮部尚書其治績多在蜀中具載史傳剛直自立智識深遠有澤被天下之心尤博典籍雖卜筮醫藥種植之書無不精究自少得劍術無敵于兩河間善奕碁精射法飲酒至數斗不亂惡人諂事不喜俗禮因自號垂崖子寫真自贊曰垂則違衆崖不利物垂崖之名聊以表德嘗訪三峰陳希夷博博顧謂弟子曰此人于名利淡然無情達則爲公卿不達則爲帝王師其爲高人推重如此幼與青州傅霖同學霖隱不仕詠旣貴求霖者三十年不可得晚自金陵造朝論丁謂王欽若出知陳州一日霖忽來謁闈走白詠詠訶曰

傅先生吾尚不得而友汝敢呼姓名乎霖笑曰是豈知
世間有傅霖者詠問昔何隱今何出霖曰子將出矣來
報子爾詠曰詠亦自知之曰知復何言翼日辭去後一
月而詠卒贈右僕射謚忠定詩雄健古淡有氣骨稱其
爲人其與傅山人詩云寄語巢由莫相笑此心不是愛
輕肥足以見其志也

悼蜀四十韻

蜀國富且庶風俗矜浮薄奢僭極珠貝狂佚務娛樂虹橋
吐飛泉烟柳閉朱閣燭影逐星沉歌聲和月落鬪雞破百
萬呼盧縱大噱游女白玉璫騎馬黃金絡酒肆夜不扃花
市春漸作禾稼暮雲連純繡淑氣錯熙熙三十年光景倏
如昨天道本害盈侈極禍必作當時布政者罔思救民瘼
不能宣淳化移風復儉約情性非方直多爲聲色着從欲
竊虛譽隨性縱貪攫蠶食生靈肌作威恣暴虐佞罔天子
聽所利惟剝削一方忿恨興千里攘臂躍火氣烘寒空雪
彩輝蓮鍔無人能却敵何暇施擊柝害物黷貨董皆爲白
刃爍瓦礫積臺榭荆棘迷城郭里第鎖苔蕪庭軒喧鳥雀
斗粟金帛鬪束芻綺羅博悲夫驕奢民不能飽葵藿朝廷
命元戎帥師盪兇惡虎旅一以至梟巢一何弱燎毛燭晶
熒破竹鋒熠燿兵騎不可戢殺人如戲詐悼耄皆麗誅玉
石何所度未能剪強暴爭先謀剽掠良生計空餘死心愁
隕獲四野構豺狼五畝孰耕鑿出師不以律餘孽何由却
鄙夫識蜂蠆寡術能籠絡邊郵未肅清何顏食天爵世方
尚奔馳誰復振騫誇黃屋遠萬里九重高寥廓時稱多英

雄才豈無衛霍近聞命良臣拭目觀奇略

勸酒惜別

春日遲遲輾碧空綠楊紅杏描春色人生年少不再來莫
把青春枉拋擲思之可不令人驚中有萬恨千愁并今日
就花始暢飲座中行客酸離情我欲為君舞長劔歌苦
悲人苦厭我欲為君彈瑤琴淳風死去無回心不如轉海
為飲花為幄贏取青春片時樂明朝匹馬嘶春風洛陽花
發胭脂紅車馳馬走狂似沸家家帳幙臨晴空天子盛明
君正少勿恨功名苦不早富貴有時偷閑強權笑莫與離
憂賈生老

贈劉吉

天地有至私劉生與英氣學必摘其真文能取諸數叫回

堯舜天聒破周孔耳通塞不我知要在觀生意居危不苟

全憑難立忠義

仕江南偽主指斥姦佞曰果信是人國將亡也

歸國有名賢天子

聞之喜倒海塞橫流掀天建高議

治黃河有功議邊將不才廷辨大臣阿諛

冒

死雪忠臣

証楊業忠赤為奸臣所陷

言警貴侍

重指中貴弄權

四海多壯夫

望風毛骨起如今竟陵城推司茶菽利鶴情終是孤仁性

困亦至勞勞憂衆民咄咄罵貪吏方期與叫闌此實不可

棄如何不自持稍負纖人累酣歌引酒徒亂入垂楊市狂

來拔劔舞踏破青苔地羣口咤若奇我心憂爾碎請料高

陽徒何如東山器請料酒仙人何如留侯志去矣留跋江

溪心自為計

寄晁同年

昔同白日昇穹碧還同水國司民籍三年不見頻寄書兩

月相過忘行役桃花江上雪霏霏黃鶴樓中風力微幽勝
逼人魂欲飛此時不醉無與歸人間美事應有主別馬蹄
露邊塞土南樓一望心淒迷昨夜疎簷滴寒雨休誇筆力
馭真風勿憶雲山千萬重但遇西風一行鴈殺青相問莫
辭慵

與進士宋巖話別

人之相知須知心心通道氣情轉淩山跨陸不道遠躡
屨佩劔來相尋感君見我開口笑把臂要我談王道幾度
微言似愜心投杯着地推案叫此事置之無復言且須舉
樂催金船人生通塞未可保莫將閑事縈心田與盡忽告
去挑燈夜如何彈琴起雙舞拍手聊長歌我輩本無流俗
態不教離恨上眉多

縣齋秋夕

才薄難勝任空銷懶情情公堂羣吏散苔地亂蛩聲隔歲
鄉書絕新寒酒病生方今聖明代不敢話辭榮

登黃鶴樓

重重軒檻與雲平一度登臨萬想生黃鶴信移煙樹老碧
雲魂亂晚風清何年紫陌紅塵息終日空江白浪聲莫道
安邦是高致此身終約到蓬瀛

登麟州城樓

莫問戎庭苦高欄是夕攀時清官事少邊靜戍人閑雉堞
臨寒水穹廬倚亂山皇恩正無外不擬更移還

再任蜀川感懷

官職過身鬢已衰傷人應訝退休遲從來蜀地稱難制此

是君恩豈合違兵火因由難卽問郡城牢落不勝悲無煩
苦意思諸葛只可頒條使衆知李順劉幹王均十年三亂
亂提一旅之兵平定川陝此非宏才異略則不濟也方今
天子仁聖國富兵強只宜敷遠寬平之詔禁暴刑殺之令
不十年自整爾

每憶家園樂蜀中寄傅逸人

每憶家園樂名賢共里閭劇談祛夜瘧開寶中與傅會于
鄰病瘧皆幽夢驗鄉書每發家書漸老性情嬾隔年音信
云不發疎終嫌累高節不得薦相如淳化末余直省密使人誘傅
相汚也虛名何濟遂止

送趙侍丞罷秩游青城山

公餘長閉目只是老心情聞道尋山去連忙出戶迎好峰
須到頂靈迹要知名迴日從容說余將少解醒

金陵郡丞述懷

傍人往往羨清途野逸情懷亦自扶官舍四邊多種竹潮
溝一面近生蘆病嫌見客低徊甚老覺臨官氣味粗不信
浮名是身累有時閒撚白髭鬚

郡齋書情寄仙游張及

老去慵仍甚榮名舊日疎又因經歲病不答故人書閉閣
僧歸後看山吏散初何因論心跡之子最相于

遊趙氏西園

蜀中春豔世間疎比並陳園恐未如數里花光浮暝日六
街塵淨見香車翻空雅樂催歡處入格新詩上板初方信
承平無一事淮陽閒殺老尚書

寄田錫舍人

當年心計此心知，忽忽逢人亦自疑。
枉是憂公生白髮，有何長略謝清時。
林僧已怪抽身晚，朝侶猶嫌到闕遲。
多喜通規識幽抱，路遙無處寄相思。

寄郝太冲

閑愁休問意休疑，此事關身合再思。
心靜易求長世法，氣狂難與少年時。
新編到底將何用，舊好如今更有誰。
猶憶公堂秋會否，遶窗寒竹夜風吹。

送別蘇寺丞

公身多不定，何路慰飄離。
莫以微言合，苦將幽思悲。
山程朝醉少，雪屋夜眠遲。
卽問逢春約，芳菲折贈誰。

送馬道人歸天台

逢山長欲便辭榮，見說天台益自驚。
絕頂要歸終久住，此時無計伴師行。

囊攜鼎藥身難老，路接仙橋眼更明。
莫笑官途滋味薄，五湖曾有片帆輕。

歸越東舊隱留別秦中知己

客亭楊柳葉初殘，歌咽秋空慄別顏。
吟愛好峰歸越路，醉衝寒雨出秦關。
煙蘿庭戶重棲倚，漁浦人家舊往還。
縱使功名無分得，免教心在怨尤間。

郊居會傅逸人

久客倦驚魂，田居乞暫安。
義寧忘力學，貧要奉親歡。
枕外河聲老，門前野色寬。
支流狂繞砌，叢葦品當欄。
書葉招鄰彥，扶筇話肺肝。
吟懷難契遇，醉語動辛酸。
隱几歲時變，凭軒雷雨殘。
致君須有分，會此擲魚竿。

再會傅逸人

分到知心死不輕幾年曾是捨離情微風吹雨雁初下落
葉滿階蟲正鳴燈靜苦嫌論劒略簞涼頻喜轉琴聲從來
共約雲泉老宥向人間占好名

貽傅逸人

少年名節動人羣避俗身居積水濱幾爲典衣留遠客半
來欹枕看閑雲門連酒舍青苔滑路近沙汀白鳥分誰道
無情活黎庶數篇新製詠南薰

郊居寄朝中知己

年來流水壞平田客徑窮愁自可憐汀葦亂搖寒夜雨沙
鷗閑弄夕陽天狂嫌濁酒難成醉冷笑清詩不直錢碧落
故人知我否幾回相憶上漁船

懷張白逸人

昔年吟社偶通隣常貴高風入格真名好已期天共歆性
孤翻與世無親梁園醉別花燒眼楚寺秋歸鶴伴身從此
幽懷不能說五湖煙月二京塵

訪人不遇

舊徑莓苔合兒童獸閉門踏霜歸遠店涼月照空樽雁響
兼葭浦風驚橘柚村知音在何處凝寂欲銷魂

舟次辰陽

昔賢勞苦爲憂官我自無才欲忘餐鳴棹幾程灘勢惡宿
亭一夜雨聲寒村連古洞蠻煙合地落秋禽楚俗懽雖指
公餘便東下好峰猶得捲簾看

舟中晚望桃源山

仙山初指眼初明倚棹因妨半日程雲裏未忘尋去路世

間爭合有浮名崑空閣老松千尺天靜時聞鶴一聲更謝
暮霞憐惜別滿坡紅影照淨嶺

幽居

落花時節掩關初請絕江城舊酒徒滿屋煙霞春睡足一
谿風雨夜燈孤易中有象閑消息身外無求免歎吁多謝
崑僧頻見訪欲迴流水又踟躕

旅中感懷

人世貪名豈是閑幾回思量幾凄然故鄉路遠不得信寒
月夜來還復圓霜趁悲鴻歸楚澤風移殘燒下秦川莫言
酒作銷憂物更有新詩一兩篇

新市駟別郭同年

驛亭門外叙分攜酒盡揚鞭淚濕衣莫訝臨岐再回首江

山重疊故人稀

晚泊長臺驛

驛亭斜掩楚城東滿引濃醪勸諫慵自懸明時休未得好
山非是不相容

過華山懷白雲陳先生

性愚不肖林泉住強要清流擬致君今日星馳劔南去回
頭慚愧華山雲

途中

人情到底重官榮見我東歸夾路迎不免舊谿高士笑天
真喪盡得浮名

桃源觀

簷下山光砌下苔人間重遇眼重開舊林諸子休移謂已

許孤雲作詩廻

雨夜

四簷風雨滴秋聲
醉起重挑背壁燈
世事不窮身不定
令人閒憶虎溪僧
簾幕蕭蕭竹院深
客懷孤寂伴燈吟
無端一夜空階雨
滴破思鄉萬里心

寄傅逸人

當年失脚下漁磯
苦爲明朝未得歸
寄語巢由莫相笑
此心不是愛輕肥

闕下寄傅逸人

疎疎蘆葦映門墻
更有新秋膾味長
何事輕拋來帝里
至今魂夢遶寒塘

送別王秘丞

帝鄉三十年前別
江外相逢鬢已衰
清論未窮行計速
爲君臨水立多時

送別李司直

亭下依微見遠村
亭中離恨若爲論
數聲歌罷揚帆去
民吏相看有淚痕

送魏道士

江上蕭蕭木葉飛
天台狂客杖藜歸
莫嫌俗吏勤相顧
曾是嵩陽舊掩扉

答劉道人

嵩陽峰底洞中天
曾共浮丘對掩關
知道高閑少兼濟
折腰從此到人間

謝雲居山人草鞋

雲居山客草爲鞋路轉千峰此寄來昨日公餘偷步躡萬
端心緒憶天台

聞鷓鴣

畫中曾見田中間不是傷情卽斷魂北客南來心未穩數
聲相應在前村

清獻詩鈔

六

趙抃字閱道衢之西安人中景祐元年進士乙科通判
宜州以母喪廬墓三年孫處爲作孝子傳召爲殿中侍
御史京師號鐵面御史進叅知政事已而求郡旋召旋
罷英宗朝除龍圖閣直學士知成都蜀益治神宗初召
知諫院曰聞卿匹馬入蜀以一琴一龜自隨爲政簡易
亦稱是耶旣與王安石議政不協求去除資政殿學士
出外改越州致仕尋卒贈太子少師謚清獻詩觸口而
成工拙隨意而清蒼鬱律之氣出於肺肝然其學多本
于佛與濂溪爲僚而不知改故亦不能卓然有所發揮
也

題周敦頤濂溪書堂

清獻詩鈔

吾聞上下泉終與江海會高哉廬阜間出處濂溪派清深
遠城市滌淨去塵壒毫髮難遁形鬼神縮妖怪對臨開軒
窓勝絕甚圖繪固無風波虞但覺耳目快琴樽日左右一
堂不爲泰經史日枕藉一室不爲隘有尊足以羹有魚足
以鱠飲啜其樂真靜正於俗邁主人心淵然澄徹一內外
本源孕清德游詠吐嘉話何當結良朋講習取諸兌

次韻江鉞都官涼軒

執已剛玉性誰得同趣向涕唾無所藉歸居宅淡曠左右
山林間噴岼立屏障坐期清風來未許酷日晃高棚立西
軒密葉覆其上益爲晚宇陰詎隔霞空望聖書樂名教俗
事絕塵鞅恬然寵辱驚足矣庭闈養下榻遲佳朋盈樽倒
新釀藥劑矜有靈神明助無恙賢豪重出處詞句大奔放

謂愚可與道緘遺伴酬倡忽一如窮窘人獲發金玉藏收諸
篋竒光孰顧貪林藹

留題劔門東園

劔州古要害重門益開闔隄防兩川地喉吭此呀呷在昔
禦狂寇如朽施巨拉時平付良守一與公論合政成治東
園於焉解賓榻予方錦官去邀我置壺榼縱步車馬休舉
目蒼翠匝攄懷談笑喧傾車潺湲雜不春亦芳菲匪風自
蕭颯主賓飲興豪量海川酒納貳車臺中舊題詩謂予盍
默默極佳趣茲俗何以答

雙竹

余家有故園園中可圖鏤天然一派根一根生兩竹一長
復一短比之如手足長者似乃兄短者弟相逐我見人弟

兄少有相和睦竹分長幼情人豈無尊宿將竹比人心人
殆類禽畜常記五六歲不見還啼哭及至長大時妻孥相
親族咫尺不相見相疎何太速不顧父母生同胞又同腹
旦夕慕歌歡幾能思骨肉枉安人鬚眉而食天五穀靜思
若斯人爭及園中竹

寄酬蔡州王陶正言

自顧愚無堪老大何所用得郡江湖來一意雲泉縱驚此
西南身連夕東北夢乃知故人念許與明月共荆書一紙
賢季諾千金重寄我瓊瑤篇使得長諷誦寒松有唳鶴高
梧有鳴鳳何日謝知音爲鼓商絃弄

贈陽安除邁表兄屯田

少時所學苦食葉日自強壯歲從宦病飲水中剛腸陽安
百里地邈在天一方惠政不鞭朴期民樂耕桑念予昨守
顛與兄會家鄉兄今歲已滿余遽提蜀疆一朝此邂逅五
載忘參商且勿語離索易老驚鬢霜且勿較通塞放懷把
酒觴上方聖政新求賢坐明堂兄道足施設兄志彌頡頏
喜予外祖門從此生輝光

送周穎之京師

吾鄉伯堅真丈夫氣剛色強言詞疎胸中一物不使有日
儲月斂唯詩書布裘落魄韋帶緩權門不肖低眉趨朋游
累百誰爾汝人皆不與爭抑揄掩關啜菽苦意氣薰壤玉
璧泥沙珠宣慈中山我孤處昨日走介遺吾書書云詔下
顧俊又父兄命穎之京都古人求養志擇祿今而豈得逃
馳驅肩書手劍出門去躋咨肯復兒女如我聞此語涕交

下人皆欲養繫我無羨子之爲與道合勸子亟往無踟躕
明年得志拜堂上豈非人子榮親歟

順風呈范御史

濠州抵泗里數百長淮波平曉如席鳴聲解絳楊柳堤畫
船中有東吳客君恩得請許歸去聊治里間去咫尺歲窮
天遠心欲飛念之汲汲事行役豁如天意適我願號令西
北起風伯初時淅淅以鼓動布帆尚留十幅窄孤檣得勢
安以平中流激箭巨浪擘棹橫櫓閣力不用疾苦摯隼增
羽翮瞥然兩眼瞬霎過木葉馳黃山走碧峯舟月餘今自
快一樽自歌兩手拍樽中酒空不自歌順風好景如之何
毗陵太守同此樂爲言無惜新詩多

溪山晚目

幽花連徑發驚鳥避人啼雨過晴虹上風清走馬嘶
灘平魚艇穩村小酒旗低誰及山翁樂號呶醉似泥

村居

午寢忘譏刺閑居杜送迎雨泥雙燕下烟籠一犁耕
座入山光迥門連野色平吟餘仍兀坐誰與戰楸枰

曲館

日華烘玉甃烟縷亘雕甍棗熟房櫳暝花妍院落明
醉輕春有味夢短晝無情欲識悄悄意回文織已成

題九仙寺

墜果春三徑蒸雲晚一軒廊腰迴戰蟻山腹合啼猿
泉澹禽窺影苔澹屐印痕自慚名利者聊免世紛喧

贈吉安院主

學佛之徒衆難能是向文唯師獨奇尚於我故殷勤詩遇
知音誦琴防俗子聞虛亭對明月長許到宵分

和何節判觀水

澄江抵練長極目路滄茫烟芷差差綠風荷柄柄香西流
終古恨南浦鎮時忙擬待傳辭意離人在楚鄉

歲暮感懷

早是窮冬逼那堪客思兼事嗟流水遠年愧入春添與雪
幸同操驚霜忽到髯晚舟前浦泊何處有青帘

寄任大中秀才

今我歲將暮過橈鸚鵡洲憶君人少與買舍澱江頭客路
書多絕吾鄉夢半遊明年誰到蜀能寄好書不

向晚

向晚立沙人閑目更餘林疎僧屋露風轉客帆斜幽白
孤飛鳥橫紅數抹霞漁翁獨相問憐我宦天涯

和戴天使重陽前一夕宿長沙驛

楚館夜衾涼離人念故鄉送吟只覺苦歸夢不成長壁有
寒蛩怨鄰聞綠蟻香登高在何處明日宴山陽

春日陪燕會春園亭

爲怕三春過因謀數刻狂醉輕欣射中歡甚惜歌長驕馬
花間繫啼鶯柳下藏前旌却去晚十里淡風光

和范御史初出都門

牘奏辭三院鄉榮領百城帝恩山嶽重臣命羽毛輕風月
隨人好江湖照膽清須公贈金玉光照重行行

和韻前人初出鑠頭

青扶詩小

五

奏懇初無飾天恩亦重違一麾新命下雨漿故關歸淮木
林林脫霜鴻陣陣飛賢明詩酒樂行矣自相依

驚濤

路半狂飈起江心巨浪橫蒼忙舟子叫匍匐稚兒驚古岸
移時入新醪薄暮傾此空無足道大抵似人生

題張果老洞

洞老壽松椿高名古絕華亂山泉澆澆舉世事紛紛使者
持丹詔先生卧白雲方寸莫招隱君德正華飭

次韻孔憲山齋

訟簡歲豐盈鈴齋竟日消窗排羣石怪簷擁遠山明古木
風千葉新髭雪數莖閒傳向幽處餘論見文情

送范憲百祿赴關

泥書下紫宸公議協朝紳真主正圖治諫官今得人從容
陪國論憔悴恤天民大對如晁董公嘗素所陳

題靈山寺

我為靈山好登留到日歸憐巖幽餘暑雪鐘冷入秋雲篇詠
唯僧助塵煩與俗分明却入東棹因得識吾文

送章岵少卿提舉洞霄宮

秘館紅塵外瑤京白日真樽中不空酒琴面已無絃曉上
朝真閣春耕負郭田優游大自在何處更神仙

遊青城山

三十六峰峻維岷在蜀奇方行刺史部重欵丈人祠凍雪
諸蕃隔晴雲六面披訪山窮寶洞山有寶仙第五劫鬼規
豐碑泉落寒崖響蘿依古木垂良工存舊筆青城觀壁悉

老叟琢新詩句符台示陟險齊雙屐逢幽鼓七絲盤桓不
岷山集忍去還作更來期

書院

雨久藏書蠹風高老屋斜
鄰居盡金碧一一梵王家

和范御史石倉晚泊

天迥旅懷濶風長野叫來
日暮江上輒數十人連
頽長歌人謂之野叫滄波清
可愛先為濯京埃

憶信安五弟附

鵬殘鸚鵡洲邊過憶汝東
山住舊廬誦聖窮愁千卷外
官留滯十年餘也知失意能
平氣底事多時不寄書兄在
松溪我荆楚別懷三處一
歎

除夜泊臨江縣言懷

縣封蕭索楚江澄旅况吟懷冷似冰漏促已交新歲鼓酒
闌猶剪隔宵燈立身從道思無愧得路由機患不能未報
君恩踰四十青春還是一番增

寄里中親友

記得城南數刻權破權為別淚闌干間關遠道初沿牒寂
寞長亭一據鞍郊外此時涼葉亂嶺頭平日鴈梅殘不辭
頻寄南州信草檄無功楮葉乾

和人清明有感

湖外清明物態繁曉林鶯舌闐關關枉緣春意無時盡自
是人心不暫閑舊隱東君曾藉草新官南郡亦登山滿頭
花卉盈樽酒且向東風一破顏

勸學示江原諸生

古人名教自詩書淺俗頽風好力扶口誦聖賢皆進士身
為仁義始真儒任從客笑原思病莫管時譏孟子迂通要
設施窮要樂不須隨世問榮枯

初入峽

峽江初過三遊洞天氣新調二月風樵戶人家隨處見仙
源雲路有時通峰巒壓岸東西碧桃李臨波上下紅險磧
惡灘各幾許晚停征棹問漁翁

過嶺回寄張景通先生示邑下同入

二年官役愧能名賢得斯人幸合并幾度孝廉交郡辟一
生文行出鄉評君廬阜水江頭遠我馬青泥嶺頂行西首
胡為書以贈欲持同邑寄諸生

同萬州相里殿丞游溪西山寺

使君呼客入山行曉徑前驅照彩旌蠻女背樵巖側避野
僧攜刺馬頭迎千層雲水迷三峽一闕人烟認百城樓閣
憑餘清我聽竹風蕭瑟澗泉鳴

謁青城山

背琴肩酒上青城雲為開收月為明觀宿有詩招主簿

劉絳

詩約同遊廬空無分遇先生張俞出山墻留古畫仙姿活石載奇文

寄永倅周敦頤虞部

君去濂溪湖外行倅落仍喜便鄉程九疑南向參空碧二
水秋臨徹底清詩筆不閑真吏隱訟庭無事洽民情霜鴻
已到衡陽轉遠緒憑誰數寄聲

招運判霍交回轅

自邛之雅漸高丘所過從容盡勝遊白鶴山頭雲裏寺金
鷄關外雨中州公今南按蠲民瘼歲已西成輟上憂江瀆
荷花開似錦且同歸去採蓮舟

次韻王憲中秋不見月

一城歌管中秋樂薄暮樓臺六幕垂明月幸無虧損處浮
雲應有斂收時聊因表海今宵醉却起錢塘去歲思有美
堂前如白晝練鋪江面鏡鬚眉

次韻孔憲蓬萊閣

山巔危構傍蓬萊水閣風長此快哉天地涵容百川入晨
昇浮動兩潮來遙思坐上遊觀遠愈覺胸中度量開憶我
去年曾望海杭州東向亦樓臺

杭有樓

再登亭偶作

氣象三齊古得名時登表海最高亭河源一水下青嶂人
物兩城如畫屏邑報有秋期俗阜守慚無術濟民靈從來
獄市并容地且向樽前任醉醒

再有蜀命別王居卿

穆陵關望劔門關岱嶽山連蜀道山自顧松筠根節老誰
令霜雪鬢毛斑離家敢謂虞私計過關尤欣覲帝顏此報
重行君莫訝古人辭易不辭難

寄題劉詔寺丞濫泉亭

泉名從古冠齊丘獨占溪心湧不休淡似蜀都分海眼勢
如吳分起潮頭連宵鼓浪搖明月當暑迎風作素秋亭上
主人留我語只將塵事指浮漚

過鐵山鋪寄交代吳龍圖

暫留山驛又晨興西望旌麾想舊朋三院筆簪曾對直兩川兵印復交承年光頭鬢華如雪世態心精冷似冰境上憑詩馳遠意青泥寒曉入雲燈

過左縣偶成

東南再守二年間自抗徙青徒蜀何須問險艱入覲已違龍尾道出麾還過鹿頭關與民共約三春樂顧我都忘兩鬢斑歲滿乞骸何處好仙棊一局爛柯山

鈴兵王閣使素芳亭賞梅花

素萼清香並酒卮主人勤意囑留詩為逢蜀國新開日却憶江南舊賞時春密未通桃李信臘殘都放雪霜姿先公舊植亭欄外官構重來見本枝先司公鈴兵日始創是亭問使後繼其職是謂有子矣

次韻李元方卽事

壯歲胸懷獨感時宵隨寒暑似民咨能思蠹益開長卷任有閑忙不負詩趣句已為迂俗笑聲名須共古人期茅齋寂坐生秋思無語西風夜月知

聞嶺外寇梗

驚說炎飈煙瘴時洞巒蠡起寇南唐家書萬倍金難得遠夢千迴路不知刺史沒身專捍禦康州趙潛叔死敵諫官啣命救瘡痍起居趙叔武出使伏波死去今誰繼大筆銘勳壓海涯

次韻程給事寓越解宇有懷

越郡江南盡不如樂天流語信非疎人從鎖闥中間出宅在蓬萊向上居言念玉符分鎮日却思瓊苑拜恩初臨風又辱詩筒寄足見優游刃有餘

次韻郡齋偶成

兩火一刀名素勝十分雙澗地長靈賞心曾爲乘華舫好
手應難作画屏北海樓前千里靜南山天末四時青蓬萊
自是仙家景解使詩翁醉眼醒

武林卽事寄程給事

乞得錢塘下九天徒從青社復三川坤維十往萬餘里吳
分重來七八年鑑水坐遙懷舊冶柯峰歸晚愧前賢東州
賴有微之約曾寄詩筒通百篇
七十隨緣豈有由樂天曾不厭杭州青山未隱如千里白
首重來又九秋月窟仙人遺桂子海門神物助潮頭自慚
老守無心力坐鎮吾民靜卽休

有懷程給事

稽嶺樓臺真曠絕武林風物競豪華兩州對望音題數
水中分會晤差言到越遲東海渺茫排島嶼西陵依約露人家
元和賡唱今猶古此樂情懷豈有涯

次韻歲暮有感

歲月如流不用嗟盛衰前定豈曾差自憐覽照頭渾雪猶
喜觀書日未花竺嶺兩曾逢落桂龍山三見擷新茶春元
便欲休官去誰顧杭州十萬家

次韻卽事見懷

鑑水寬閑稱越國河塘繁劇是杭州蓬山君繼元丞相竹
馬予慚郭細侯郡邑豐穰真可喜人家飽煖更何憂西陵
隔岸無多遠數上臨江百尺樓

清風閣卽事

庭有松蘿砌有苔退公聊此遠塵埃潮音隱隱海門至泉
勢潺潺石縫來夜榻衾裯仙夢覺曉窗燈火佛書開休官
不久輕舟去喜過嚴陵舊釣臺

有懷蔣堂侍郎

却憶東舟去若仙津亭分袂忽經年春風境上無多地夜
月湖中共一天海閣坐觀濤擁鷺山堂吟聽漏移蓮新詩
往復交情見巨集成來已百篇

寄酬前人上巳日鑑湖卽事二首

湖上初經上巳春水邊遙見碧蕪新輕舟競泛無涯樂夾
岸希逢不醉人厨醞旋荔浮蟻醖府茶淡點卧龍珍詩筒
往復余知幸垂老親仁得善隣

蓬萊高與卧龍俱位望兼崇似合符絃管夜聲傳井邑樓
臺春影蘸江湖休功卽報昔年政直節曾行萬里 真是
玉皇香案吏坐看歸去贊蘿圖

次韻前人蓬萊閣卽事

蓬萊窗外曉光分夢覺初驚杜宇魂但有吏供衙府喏斷
無人到訟庭喧濛濛宿靄開湖面隱隱更潮過海門一水
兩州皆重鎮越清杭劇不同論

上天竺寺石巖花

對植齊開古梵宮欲求精筆畫難工直將春占三旬盛誰
謂花無十日紅未羨山桃資客笑且陪庭栢作家風遍尋
他處都無此寶殿前頭只兩叢

陪趙少師遊西湖兼簡坐客

絲管喧喧擁畫船澄瀾上下照紅蓮一樽各盡十分酒四

老共成三百年北闕音書休憶念西湖風物且留連杭民
夾道焚香看白髮朱顏長壽仙

次韻程給事見寄

羨公鈴閣絕纖塵顧我何嘗德被人訟牘自憐無日暇詩
筒翻喜入秋新白頭未許還官政紫詔頻煩慰老臣一去
蓬萊已踰歲夢魂長到十洲春

次韻許遵少卿見寄

頭上有霜添白髮囊中無藥駐朱顏堪驚積歲加衰老未
省何時得退閑淵淨思臨浮石渚喧譁羞對武林山君恩
早賜俞音下卽擁菟裘故里還

次謝許少卿寄卧龍山茶

越芽遠寄入都時酬唱珍誇互見詩紫玉叢中觀雨脚翠

峰頂上摘雲旗吸多思爽都忘寐吟苦甬一長了不知想到
明年公進用卧龍春色自遲遲

次韻程給事郡齋秋暑

老爲鄉郡止偷安自愧仙踪未易攀八面松陰籠古寺三
秋桂子下靈山良朋寄意詩篇裏高會追歡夢寐間却憶
會稽清曠處樵風朝暮若邪灣

次前人遊鑑湖

湖治誰能繼後塵馬侯祠閣至今存昔太守馬窮源上達
仙翁井引派傍通吏部園紅旆遍遊練開鑑湖素志畫橈歸去近
黃昏別懷屈指暮將半况屬鄉州役夢魂

累乞致政詔答未允述懷

自愧孤忠荷聖慈恩榮官向九天辭山雨蒲柳衰殘日好

是雲烟放曠時玉闕累章煩賜詔
灑江兩槩蹉歸期宵征自有高人笑
漏盡鐘鳴曉未知

贈別周元忠秀才

吾里推高節行孤諸生師帳是規摹
窮經不治五畝宅教子已爲千里駒
暫出林泉飛兩槩且陪風月賞西湖
了知富貴儻來物誰向浮雲間有無

平溪堂

亭號休休古退藏豈如溪上構虛堂
坐邀城市真瀟灑却謂江湖太渺茫
下筆新題無俗事措筇野服是家常
臨流最有清風快未見故人心已涼

遊鴈蕩將抵温州寄太守石牧之

霜風雙鬢雪鬢髮物外尋真頓離凡
子舍若非叨別乘我車安得到靈巖
碧窺秋瀑心同洗紅嚼山杷口似饒
多謝賢侯見招意數貽嘉詠與珍函

次毛維瞻溪庵

退訪雲山遠世塵結庵臺上古溪濱
圍碁每放爭先手隱几能安自在身
鷗鷺後前如舊物龜魚遊泳不疑人
曲肱飲水真賢樂何用淵明漉酒中

送穆舜賓承議致政還鄉

清脩平日得無慚學道勤行宜妄談
軒冕道譁公始悟林泉瀟灑我先諸
魯憐遊弋雲中鴈每念纏絲罨裏蠶
西歸時節好春山如黛水如藍

和沈太博小圃偶作二首

名園雨後百花繁人倚危樓十二千
園裏芳菲樓上客一

般情緒怕春寒
日烘薄霧開柔陌
風習遊絲著柳條
語燕啼鶯自撩亂
驚人幾夢是春朝

過青泥嶺

老杜休誇蜀道難
我聞天險不同山
青泥嶺上青雲路
二十年來七往還

和宿峽石寺下

淮岸浮圖半倚天
山僧應已離塵緣
松關暮鎖無人跡
惟放鐘聲入画船

賞春亭

勝絕浩艷滿亭隈
當席芳樽醉看來
始信春恩不私物
亂山窮處亦花開

玉泉亭

潺潺朝暮入神清
落澗通池遶郡廳
亂石長松山十里
討源須上玉泉亭

和范都官行後九日奉寄

湖平風穩送歸航
望隔巖灘七里長
更上高峰儘高處
黃花新酒醉重陽

次韻范師道龍圖

舍車弭蓋爭尋勝
坐石攜泉旋煮茶
可惜湖山天下好
十分風景屬僧家

答贛縣錢頴著作移花

令尹憐花意思勤
海棠多種郡園新
自從兩蜀年年見
今日欄邊似故人

次韻郁李花

花縣逢春對曉暉
朱朱白白綴繁枝
梅花菊後何須較
好似人生各有時

辛巳青州翫月有懷

中秋去歲中和宴
中和杭州堂名表海今朝北海壘
表海青州亭名天上無私是明月
隔淮千里照人來

題郡園亭館

為愛東園四照亭
剪開繁木快人情
新秋雨過閑雲卷
十里南山兩眼明

題御愛山

岷峨西列華排東
餘縱崢嶸敢競崇
是當時經御愛
此山還與衆山同

出鴈蕩回望常雲峰

遊遍名山未肯休
征車已發尚回眸
高峰亦似多情思
百里依然一探頭

客舟夜雨

朝發溫江上處溪
小舟無寐枕頰欹
夜來雨作蓬蔭響
恰似當年赴舉時

里照人來

以當平扶舉

掉發臨玉土氣幾小良無寐

容前夜雨

里對燕一

幾盡谷山未宜朴珍車已幾尚回輶高舉亦以多謝思百

出興蕙回望常雲

